

印光堂佛說

無量壽經義疏
佛說阿彌陀經義記

無量壽經義疏卷上

隋釋吉藏撰

夫真極恬然。以虛寂為宗。凝神萬境。不慮而照。澄淨淵泊。
不形而應。然感機不同。化不一揆。故形有巨細。壽有脩短。
教有精龐。土有淨穢。隆益萬殊。證悟非一。西方安養。淨
土人純。殖國感聖亦長。彌陀世尊乘本誓願。應形淨刹託壽
曠劫。使五濁眾生清虛勝業。令三輩行人殖遐年之善。十念
願成。命終則往。九輩行立。報謝便至。談彼國土。七寶宮
殿。金池玉樹。互相映發衣食自然。飯饌百味。說人則唯賢
與聖。共相勸修。身色紫金。自然化生。稟受虛無之身。無
極之體。栖心真境。常宣大乘。辨明法相。快樂無極。

此經宗致。凡有二例。一者法藏修因感淨土果。二者勸物修因往生彼土。題云佛說者。釋迦乃是此方統王之主。讚揚彼佛長遠因果微妙快樂。故云佛說也。無量壽者。若存胡本。號曰阿彌陀。此云。無量壽。壽既長遠。彌綸曠劫。劫數既遠時算莫測。故云無量也。壽者色心相續不斷為義。通明壽之與命。體一而異名。但命據始終。壽論其期。故舉壽名示彼有保終之命也。經者。明前佛後佛。道覺雖殊詮理之言不可改異。辨教意矣。

夫論如來說法。不過二種。一者次第。二者偏方。今此典者。非次第教。何以知然。如釋迦一化。辨佛壽有四時。初唱八十。次大品思益等說有七百僧祇之壽。法華辨壽命無量。涅槃盛明常住。今解彌陀佛。明昔法藏修因。生於西方。無量

壽命中得成佛果。由是報因成佛。一身證果。若推此為言。
只須以此土釋迦八十年佛相准。何以知之。如太子生於王宮。
於八十年中備得佛果。唯壽八十。類如無量壽命中。備得種
智亦稱無量壽佛。此二佛既一種無異。而經應與第一時同。
則是初教。今所以解言非次第教者。此經已談一乘之因。盛
說菩薩之業。故知非初教。是故當知是偏方別教也。然既稱
壽與法華同。而非法華教攝者。法華是次第教。此教非次第
破執而興故非法華教攝。然解法華佛壽有三家異。一云。亦
是報因佛如前教。二云。是神通力。延一念壽命令無量劫。
經明五百由旬之外。方明佛果。既在變易之生。成佛常滿。
則應入滅。而延之住世為無量之壽。三云。是覆相明常。說
為無量。就有為報中當有此命。但時機未宜灼然辨常。所以

依稀望說耳。

大判經例則有三段。謂序正流通。序謂正宗弄引正為辨經旨歸。流通為明付屬後世。修行無壅。從如是訖樂聞。序說文也。自佛告下訖略。言之耳。正說文也。次從其有得聞彼佛名號經。流通文也。就序有二。初遺教序。二發起序。初遺教序。正為證阿難傳佛語無謬。是證阿難經。發起序為證如來說經有其由序。逗物無謬。是證如來說經所以也。從初訖一時來會是遺教文。從諸根悅豫下訖序。是現聞發起序文也。正說亦兩段。初明法藏修因感淨土果。上卷文。後明勸物修因往生。從下卷初正說文也。此教之興。本欲令五濁眾生捨穢取淨。却短脩長。故先示妙果後方廣勸修之。流通亦二。初舉經有深益用付屬流通。後明時眾歡喜奉行。從得聞彼佛

名者下。訖芬芬而降。初文。從佛說下。後明奉行方也。

我聞如是。一時。佛住王舍城耆闍崛山中。

就初兩序。各為五意。遺教序五者。一如是明其如聞而傳無
有差謬。但導如足更加是者。欲顯如聞所傳即是佛語。實可
信。言我聞者。二明親聞。但恐此我濫餘人故。本起之初自
稱阿難。曰我聞如是也。一時者。三明聞無前後。佛口密皆
使侍者有所不聞經。悉重為說皆令親聞。傳者又得佛覺三昧。

頓領胸襟皆無漏失故云一時。佛住王舍城者。四明住處有二
句。自廣至狹。又釋佛別取為一證。以舉宗師為證。令必順
此教。又舉佛本欲取佛住處。非欲顯佛為師之意。今言王舍
城者。且依一解。古昔有一國王。名為普明。在餘城中治化。

有一尼乾與比丘諍競詣王判決。時王曲就人情。尼乾得理。比丘不合。則呼天扣地。其夜宮城陷沒。唯除太子東宮不沒。國人還復舉太子。正以見父王無道。不肯就位。則共世二大臣詣山隱學。一宿之中天神感之為王造城郭舍宅。國人則號為王舍城。自是以來。於中立國。相續至今。國名摩伽陀。城名王舍城。耆闍山者。此明的處。此稱鷲頭山。或加靈者仙靈遊巖。上似鷲頭。山下有寺。六十岩崛。佛在此處。故明其名。

與大比丘衆萬二千人俱。一切大聖。神通已達。其名曰。尊者了本際。尊者正願。尊者正語。尊者大號。尊者仁賢。尊者離垢。尊者名聞。尊者善實。尊者具足。尊

者牛王。尊者優樓頻螺迦葉。尊者伽耶迦葉。尊者那提迦葉。尊者摩訶迦葉。尊者舍利弗。尊者大目犍連。尊者劫賓那。尊者大住。尊者大淨志。尊者摩訶周那。尊者滿願子。尊者離障。尊者流灌。尊者堅伏。尊者面王。尊者異乘。尊者仁性。尊者嘉樂。尊者善來。尊者羅云。尊者阿難。皆如斯等上首者也。

與大比丘眾以下。同聞眾眾有二。聲聞與菩薩。比丘常隨佛後。但佛說法處。其有比丘在中。菩薩方詣助佛揚化。故先小後大。比丘眾有四段。一眾類。二唱數。三略嘆。四列名總結。與之言共。大有三義。一生大解。二破大惡。三證大果。比丘三義。如常聞。數有萬二千人。大聖以下嘆德。德

乃無量。今但舉要。聖之言通上諸人。皆是聖果。遊心空理。隱顯難測。故稱聖人。神通已達。達之言證。證六通三明等是也。其名曰已下列名。此皆稱尊者。尊者是御人之號。舉德標人故稱尊者。了本際。了之言識。本際是空。從所識標名。亦稱阿若憍陳如。此言無智。陳如是姓。於初轉法輪。最初悟道。所以然者。迦葉佛遺法住世。同伴九人。方覺無常。共求出家入山學道。四人根利則悟。五人根鈍不悟。便共誓願。吾於釋迦佛法中要先悟道。以此誓故。共佛俱生。佛既出家。父王遣國中貴族同伴五人隨侍。太子入山。不肯入山。隱在鹿苑。佛初成道則為說法。由是最初得道也。五人者。一名陳如。二阿葉鞞。三訶男。四波提。五波敷。此但出陳如一人。正願者本期出家得道。故名正願。正語口無

四過。大號美名遐布。仁賢。德性軟和故彰其名。離垢。離破戒之垢。名聞。多人所知。或是迦延解義。名聞大佳。善實。從內德彰名。具足。從受戒表名。牛王從昔因緣。五百世中為牛。兩處似牛。故從此為名。人見喚咲（欲笑）。佛以神力接置星宿天上。時來聽法也。優樓頻螺。此三人從處標名。此從木瓜得名。伽耶城名。那提水。迦葉是姓或翻為龜。如舍利弗此名身子。舍利弗外祖善相。見舍利弗父作國大相。妻女與之。孕舍利弗。共弟拘繩羅論義。母勝於弟。弟竊思惟。我姊未孕時不如我。今屢勝我。必懷聰明之子。我當入山學讀。外甥長大共論。則入山讀十二圍陀。無暇不揃瓜。故呼其號名長爪梵志。後生身子。始年八歲聘十六大國。論議無類。則外道法中出家為沙門。然外道弟子沙門尙咸以徒

眾付身于目連二人。使教化成就。二人則共要言得道之日。誓無前後。身于欲向舍衛城。阿說祇比丘亦欲向城佛誡說祇。汝朝入城。當見非常之人。略為說法。舍利弗見說祇。威儀詳序。則前問言。汝師是誰。答言。吾師天中天。三界無極尊。相好身丈六。神通遊虛空。不會天世位。乃至心淨開法門。身于卓然毛豎。汝有好師應有好法。當為我說。說祇自謙我年既幼稚。學日又初淺。豈能宣如來至真廣大義。身于慇懃復問何名沙門。答曰。一切諸法本因緣空無主。息心達本原。故號為沙門。聞此一偈。則得須陀洹果。還至本處。目連見狀貌怡悅。即便語言。我本與卿共要得道。誓無前後。卿何故在前而不語我耶。身于答曰。時流迅疾。無暇遊反。即便為說上偈。目連聞之。即得初果。二人相將至佛所。俱

證無學果也。目連亦是姓。字拘律陀。其父為相國有大威勢。富貴而無嗣。有樹名拘律陀。往彼求子。日日祈求祭祀結願。了無髮鬚證後便與樹立要若更滿七日無子。便當斬滅樹神憂惱。四出推求無應生者。上白帝釋。具說上事。苦求救護。帝釋觀之。唯見親友一天命應垂終。帝釋語言。汝可生彼。天答而言。人間苦極。我不契也。釋復語言。釋迦如來當生人間。汝可因斯得道。彼天命終則便往生婆羅門家。以從拘律陀樹求得此兒也。靜志從內定得名。周那言離香。滿願是富樓那。此是大菩薩。赤色為相。離障那律修得天眼。徹見障外。故從為名。羅云是羅睺羅。此云覆障。六年在胎也。阿難此言無染。皆如斯等。此是總結名也。

又與大乘衆菩薩俱。普賢菩薩。妙德菩薩。慈氏菩薩等。此賢劫中一切菩薩。又賢護等十六正士。善思議菩薩。信慧菩薩。空無菩薩。神通華菩薩。光英菩薩。慧上菩薩。智幢菩薩。寂根菩薩。願慧菩薩。香象菩薩。寶英菩薩。中住菩薩。荆行菩薩。解脫菩薩。

又與大乘眾菩薩俱以下。列大士同聞眾。自有四段。初唱種類。二列名。三歎德。四總結來會也。初唱大士名道心。自行兼他。位懷廣博故名道心。善思議以下列名。善思議者。內德深達。善會真宗。信慧從內信立名。空無者稱如之背。神通華者。分身滿十方。一念普至乃至解脫者。受報眾生結縛自亦脫也。

皆遵普賢大士之德。具諸菩薩無量行願。安住一切功德之法。遊步十方。行權方便。入佛法藏。究竟彼岸。

從皆遵以下歎德段大分為二。從初訖究竟彼岸以來。略嘆。從於無量世界以下。訖皆度彼岸以來。廣嘆德也。略嘆有二。從初訖安住句以來嘆齊普賢入法界行也。備十地無量行願。故云具行願。證理窮心無二。故稱安住。遐劫積修為己之勳。故云功。以此被外沾洽一切。故稱為德。乘通遊機故云遊步。善巧度物故云行權。此二句嘆外化也。入佛法藏。入之言解。名理為藏解契宗原。故云入藏。入佛法藏。究竟彼岸。此二句嘆自行也。

於無量世界現成等覺。處兜術天。弘宣正法。

廣嘆中亦有二。從初訖微妙難量以來別舉八相成道為嘆。次從遊諸佛國已下。訖皆度彼岸。明遊十方。稱機應物。舉此為嘆。就八相嘆中。將欲舉故。先出示八相之處。則是無量世界於此世界示八相成道。故云成等正覺。八相文處可見。一處天宮。二入胎。三現生。四出家。五降魔。六成道。七轉法輪。八入滅處。兜率天此云勝妙天。多聰明不放逸。示如來為人天之師故。將下生人中。先處此天。為說不退轉之行。

捨波天宮。降神母胎。

捨彼天宮下明處胎。所以不直化生者。一為外眷屬。令護佛法故。二遺舍利。廣起佛事故。

從右脅生。現行七步。光明顯耀。普照十方無量佛土。
六種震動。舉聲自稱。吾當於世為無上尊。釋梵奉侍。
天人歸仰。示現算計文藝射御。博綜道術。貫練羣籍。
遊於後園。講武試藝。現處宮中色味之間。

從右脇生下。三明現生。示異凡穢。故從右脇生。右是方便
欲明先權後實也。現行七步。明過六道。光明下。生時放光。
皆使知佛生也。皆悉震動者。明生時動地。六種動者。一動
二涌三起四震五吼六覺也。舉聲自稱下。明唱導高。釋梵奉
侍下。明標示人天歸敬。示現算計下。明修學世伎。六藝者
算計是一。文藝詩書及禮樂射御是六也。能御車上於六目之
上。博綜道術者。博之言廣。綜之言習。廣習五明道術。貫

練群籍者。含於內論。貫言通。練言明也。遊於後園。明學伎已於後苑講試之耳。講之言習試之言用也。現處宮中下。示處深宮色味之間。

見老病死。悟世非常。棄國財位。入山學道。服乘白馬。寶冠瓔珞。遺之令還。捨珍妙衣。而著法服。剃除鬚髮。端坐樹下。勤苦六年。行如所應。現五濁刹。隨順群生。示有塵垢。沐浴金流。天案樹枝。得攀出池。靈禽翼從。注詣道場。吉祥感徵。表章功祚。哀受施草。敷佛樹下。跏趺而坐。

見老病死下。是第四段。明出家。但此中先明出家之緣。緣

見四非常故。云見老病死。悟世非常。服乘白馬。遣之令還者。明捨世飾好而著法服。正明出家。則是就獵師覓鹿皮衣。天神奉剃髮出家也。六年下。明學道先示同邪道。故云勤苦六年。行如所應行是因。所應是果。果應因行。故云所應。現五濁刹者。明先同修四禪八定五濁土中之法也。示有塵垢下。明歸從正法。今初句。先既因六年苦行無所得。形清體縮。故入金池洗之也。又以表理。明必以定慧之水斷除結使也。天按樹枝得攀出池者。為示體弱。故須攀枝。又表接物機也。靈禽翼從者。得道之所。五百青雀從佛至道樹。表德被禽魚無不師化者也。吉祥感徵者明德被人天。天祥感現。明此諸天童子感動。顯菩薩必成道故云感。哀受施草者。表物獻微情。乃至草薄之物。無不哀受。故受草敷之而坐也。

奮大光明。使魔知之。魔率官屬而來。逼試制以智力。皆令降伏。

奮大光明下。第五降魔。先明將欲降伏。故悟之以光明也。而來逼試者。明魔令其眷屬而逼以眾難。試菩薩道。制以智力者。正伏之以智。令歸伏也。

得微妙法。成最正覺。

得微妙法下。第六明成道。

釋梵祈勸。請轉法輪。

從釋梵勸請下。第七轉法輪也。此中有三。初有釋梵為請主。故涅槃經中云。汝雖生人道已超第六天。明同梵王請。能請

佛成道。三七日思惟所得道妙。欲令一切普得。二七思惟眾生根鈍。不肯領受。則明無機。三七思惟欲說。爾時則梵王為請之時也。祈明求勸。為慊貌之辭。轉譬如常解。

以佛遊步。佛吼而吼。

以佛遊步下。二明佛受請。令大士亦如真佛。示同佛十力四無畏之說。故云佛吼而吼。舉獅子王哮吼為譬耳。

扣法鼓。吹法螺。執法劍。建法幢。震法雷。曜法電。 澍法雨。

扣法鼓下。三正明說法。先明喻。後明法說。扣鼓誠兵。內合佛說法以集眾。欲進趣於善。外譬吹螺是改號之相。內合

佛說。法改惡為善劍有斬斫之用。內合佛說法以生物解。有
斷結之用也。建幢是戰勝之相。譬說法降魔得勝也。震雷能
駭動物情。譬說法皆動無明之識也。耀電譬說法有照了之用。
雨有潤澤之功。譬說法能治利眾生也。

演法施。常以法音。覺諸世間。光明普照無量佛土。一
切世界六種震動。總攝魔界動魔宮殿。衆魔慴怖。莫不
歸伏。擗裂邪網。消滅諸見。散諸塵勞。壞諸欲慾。嚴
護法城。開闢法門。洗濯垢汙。顯明清白。光融佛法。
宣流正化。

演法施下。廣明法說利益。自有二。初正廣說法利益。後舉

三業益物之相。結成前利益也。今云演法施者。演言廣。廣說四諦十二因緣等教。宣布有緣也。光明普照者。明法將宣。放光感悟於物。或是將說般若。放光動地也。以智光攝魔闍故。云光明普照。以神通動魔宮。使眾惡緣改慘歸伏。故云懼怖也。擗裂邪網者。說法破之故云擗也。網譬邪智。魔以邪智裹結眾生。故以正智慧力破裂之耳。壞諸欲塹者。滅五鈍等惡。嚴護法城者。涅槃妙果。是安身處。故稱為城。說法令眾生修戒定慧。以莊嚴之也。開闡法門者。開說涅槃城門。令眾生進趣其果也。洗濯垢污者。執相之惑。皆沾污慧身。使習忘解遣除迷垢。故云洗濯也。自此文來。是法華前教也。顯明清白者。無相之解。是無漏明。故云清白。光融佛法者。法華之教。光之言廣。融之言會。明法華教會三乘。

萬善。同歸一佛。故化廣會佛法也。宣流正化者。示汝等所行是菩薩道。其善無偏。故云正化。

入國分衛。獲諸豐饍。貯功德。示福田。欲宣法。現欣笑。以諸法藥。救療三苦。顯現道意。無量功德。授菩薩記。成等正覺。

入國分衛者。此下嘆菩薩三業。明能分身護物機。故云分衛。為物作福田。使眾生未來獲豐富之饍。故云獲諸豐饍。貯之言積。智斷既具。示為福田。積殖功德之所也。欲宣法現欣笑者。嘆口業益物。表說法必契之相。故云欣笑。法皆療物之疾。故云藥。除遣三有之苦。故云三苦也。顯現道意者嘆意業也。明以此二事顯菩薩之道意。欲使一切齊成佛果。故

云受菩薩記。

示現滅度。拯濟無極。消除諸漏。植衆德本。具足功德。
○微妙難量。

示現滅度下。第八明雙林示滅。明以滅迹方便。令物生善滅惡。故云消除諸漏。殖眾德本也。乃至如上等法皆難量也。

遊諸佛國。普現道教。其所修行。清淨無穢。譬如幻師。現衆異像。為男為女。無所不變。本學明了。在意所為。此諸菩薩。亦復如是。學一切法。貫綜縷練。所住安謐。靡不感化。無數佛土。皆悉普現。未曾慢恣。愍傷衆生。如是之法。一切具足。

遊諸佛國以下。廣嘆德中第二文。自有二段。初將別出三地
德致嘆。先總舉遊化之德也。後從菩薩經典下。別廣嘆三地
德也。就初有法譬合。但合文云。菩薩亦復如是。合幻師喻。
於一切法貫綜句下。合本學明了句。所住安諦下。合上為男
為女無所不變也。至一切具足句。綜之言習。縷之言悉。慢
之言惱。恣之言會。明見淨不貪。觀穢不惱也。

菩薩經典。究暢要妙。名稱普至。道御十方。無量諸佛
。咸共護念。佛所住者。皆已得住。大聖所立。而皆已
立。如來道化。各能宣布。

菩薩經典以下。別舉三地德為嘆。則為三段。下去先舉八地
德。自有三句。初明自行外化德。自行即通經要妙。化物導

御十方。物所廣識而皆顯名也。無量諸佛以下。第二句明值勝緣。為諸佛所護在法流中。念念見多佛。見緣則勝。無一時不見佛。故知是八地。佛所住者以下。有二句許。第三明同佛化導。

為諸菩薩。而作大師。以甚深禪慧。開導衆生。通諸法性。達衆生相。明了諸國。供養諸佛。化現其身。猶如電光。善學無畏之網。曉了幻化之法。壞裂魔網。解諸纏縛。超越聲聞緣覺之地。得空無相無願三昧。善立方便。顯示三乘。於此化終。而現滅度。亦無所作。亦無所有。不起不滅。得平等法。具足成就無量總持百十三昧。諸根智慧。廣普寂定。

為諸菩薩而作大師下。九地文。亦有三。初嘆自行。則有甚深禪慧供養等句。外化則有為諸菩薩而作大師。達眾生相等。化現其身下。第二明以神通接物。化現其身如電光者。明神通應物之速也。善學無畏之網。網之言智。明仰學佛四無畏智。壞裂魔網破邪智也。解諸纏縛者。解五蓋十纏等結。超越聲聞下。第三明皆示二乘之道。先明本處。後明顯示也。雖皆示二乘而內不共大士平等萬德。故云具足無量總持也。

深入菩薩法藏。得佛華嚴三昧。宣揚演說一切經典。住深定門。悉覩現在無量諸佛。一念之頃無不周遍。濟諸劇難。諸閑不閑。分別顯示真實之際。得諸如來辯才之智。入衆音音。開化一切。超過世間諸所有法。心常諦

住度世之道。於一切萬物而隨意自在。為諸庶類作不請之友。荷負羣生。為之重擔。受持如來甚深法藏。護佛種性。常使不絕。興大悲。愍衆生。演慈辯。授法眼。杜三趣。開善門。以不請之法施諸黎庶。如純孝之子愛敬父母。於諸衆生視若自己。一切善本皆度波岸。悉獲諸佛無量功德。智慧聖明不可思議。

深入菩薩法藏下。次嘆十地。文亦有二。初略嘆自行外化既窮因行。故云深入。因理皆蘊佛果。故云藏。此三昧皆歸法身。故云華嚴。演暢經典。明外說化物也。住深定門下。後廣明嘆自行化他。他中初以神通濟物。次明四辨化眾生。後明為眾生作不請之友。閑者濟心中劇難人。言其伏煩惱故云

閑。不閑者。外凡之人。為煩惱所使。故云不閑也。或云不
閑是人。閑是天也。四辨化中。超過世間諸所有者。言其本
處。離音聲也。心常諦住度世之道者。思惟應用也。於一切
萬物自在者。稱機無失也。為不請友中。有法譬合。法中先
標不請。次釋。後結。釋中有三意。初舉大士四弘誓。以四
弘誓荷負於物。故云重擔。次舉受持為釋。只以住持佛法。
欲使如來法藏不絕。佛種不斷故也。次舉慈悲德為釋。興大
悲愍眾生者。明拔苦因果。演慈辯授法眼。明與樂因果。以
不請之法。施諸黎庶。結也。黎之言民。庶之言眾也。如純
孝之子下譬。不捨眾生之心。如純孝子逐慈悲母也。於諸眾
生視若自己。合之也。一切善法皆度彼岸下。廣嘆自行文。
訖智慧聖明不可思議句也。

如是之等菩薩大士。不可稱計。一時來會。

如是之等。一時來會。大段第四總結文也。

爾時世尊。諸根悅豫。姿色清淨。光顏巍巍。

就別序中有五段明義。初如來現相。二阿難問。三佛檢其問意。四奉答。五正答所疑。佛開發宗。先將說淨土勸物修取。示有欣悅之狀。故云諸根悅豫也。姿色清淨者。姿之言美。清淨之言光顯也。巍巍言德盛高顯也。

尊者阿難。承佛聖旨。即從座起。偏袒右肩。長跪合掌而白佛言。今日世尊。諸根悅豫。姿色清淨。光顏巍巍。如明鏡淨。影暢表裏。威容顯耀。超絕無量。未常瞻覩。

殊妙如今。唯然大聖。我心念言。今日世尊住奇特之法。今日世雄住諸佛所住。今日世眼住導師之行。今日世英住最勝之道。今日天尊行如來之德。去來現在佛佛相念。得無今佛念諸佛耶。何故威神光光乃爾。

就阿難問中有二。初有法譬合文。先牒所觀相。影暢表裏者。表語其形。裏明心悅也。唯然大聖下。正發問。先五句正問。住於奇特者。十力四無畏也。栖心於諸佛法。則是住諸佛所住也。雄者是英族之美也。佛道高妙。故云最勝也。世眼為導師之德。如來以化物為德。故云住如來之德。為四天中第一義天。故云天尊。去來現在佛佛想念者。明三世諸佛皆有化眾生之念。光光相照。又智智相照。故云想念也。正云得

無今釋迦十方諸佛同有為一大事因緣故出世之事耶。何光光威神乃爾者。舉所疑以結問也。

於是世尊告阿難曰。云何阿難諸天教沒來問佛耶。自以慧見問威顏乎。阿難白佛。無有諸天來教我者。自以所見問斯義耳。

檢問與阿難答在文可見耳。

佛言。善哉阿難。所問甚快。發深智慧真妙辯才。愍念衆生問斯慧義。如來以無盡大悲矜哀三界。所以出興於世。光闡道教。欲拯濟羣萌。惠以真實之利。無量億劫難值難見。猶靈瑞華。時時乃出。今所問者多所饒益。

開化一切諸天人民。

第五答問。開發有兩。初委問。後正答。讚能問有三句。初句讚能生物解。故云汝問多利益也。如來以無盡大悲下。次句讚合佛出世之意。無盡悲者。佛慈悲無所不覆蓋耳。無量億劫下。後句舉難。以明汝值佛意致問。實合利物之意也。

阿難當知。如來正覺。其智難量。多所導御。慧見無礙無能遏絕。以一餐之力能住壽命億百千劫。無數無量復過於此。諸根悅豫。不以毀損。姿色不變。光顏無異。所以者何。如來定慧。究竟暢無極。於一切法。而得自在。

阿難當知下。正答有三。初正答。次阿難諦聽下。許說。唯然下。後明受旨。憊開後宗。初正答。有四句許。如來正覺其智難量者。明真智妙絕照窮法界。非下情測度。多所導御者。明其用多端。無能遏絕。明其化周法界。不可窮盡。以一滄之力下。明應不待資。能住壽也。億百千劫者。釋物疑。明佛有此壽命恒示五濁之命。唯八十耶。諸根悅豫下。有二句。正答。明令顯此相者。方說有無窮之壽。故顯姿色清淨。所以者何下。次句舉佛真本以釋。定慧究竟暢無極。故能隨物情所宜。長短自在而無礙也。

阿難諦聽。今為汝說。對曰。唯然。願樂欲聞。

諦聽與受旨可見。

佛告阿難。乃注過去。久遠無量。不可思議。無央數劫。
。錠光如來興出於世。教化度脫無量衆生。皆令得道。乃
取滅度。次有如來。名曰光遠。次名月光。次名栴檀香
。次名善山王。次名湧彌天冠。次名湧彌等曜。次名月
色。次名正念。次名離垢。次名無著。次名龍天。次名
夜光。次名安明頂。次名不動地。次名瑠璃妙華。次名
瑠璃金色。次名金藏。次名炎光。次名炎根。次名地種
。次名月像。次名日音。次名解脫華。次名莊嚴光明。
次名海覺神通。次名水光。次名大香。次名離塵垢。次
名捨厭意。次名寶炎。次名妙頂。次名勇立。次名功德
持慧。次名蔽日月光。次名日月瑠璃光。次名無上瑠璃

光。次名最上首。次名菩提華。次名月明。次名日光。
次名華色王。次名水月光。次名除癡冥。次名度蓋行。
次名淨信。次名善宿。次名威神。次名法慧。次名鸞音
。次名師子音。次名龍音。次名處世。如此諸佛皆悉已
過。爾時次有佛。名世自在王。如來。應供。等正覺。
明行足。善逝。世間解。無上士。調御丈夫。天人師。
佛。世尊。

就正說中大段如前。但第一修因得果中。有二。初廣說因。
次從為已成佛下去。明佛得果。就明因中有二。初明修因之
緣。次正辨因。就明緣中。先列過去佛。次正出世自在王佛。
藉於此佛聞法。發菩提心。修行成佛。故須由藉。明其緣而

不直舉世王。而出前五十三佛者為存兩義。一示如來皆照久遠之事。二明眾人同值多佛出世。然法藏一人能超越而發心修行。以成佛道。明得悟者宜以局時人。

時有國王。聞佛說法。心懷悅豫。尋發無上正真道意。
棄國捐王。行作沙門。號曰法藏。高才勇哲。與世超異。

正辨因中有二。初經家序修因之人。則是國王。明是王從世自在王佛聞法故發心。皆為修行之人也。從詣世自在王佛所下。明荷聖恩說偈讚嘆。仍發願修因。序修因人中有四句許。

初句明當時有國王從佛聞法。啟悟其心。尋發道意。棄國捐王下。次句明捨重位。出家志行。號曰法藏下。次句明其得

名。在能蘊畜佛法。故曰法藏。高才勇哲下。次句略嘆其德。稱逸群之能。故曰高才。能自勝勝他。故稱為勇。壞邪見之明。所以言哲。

詣世自在王如來所。稽首佛足。右遶三匝。長跪合掌。以頌讚曰。

修因行文有兩。從詣佛少許長行盡二十行偈。略辨因。偈後盡文。廣明因義。初略明中有五意。初長行序詣佛致敬。

光顏巍巍 威神無極 如是炎明 無與等者
日月摩尼 珠光燄耀 皆悉隱蔽 猶如聚墨
如來顏容 超世無倫 正覺大音 響流十方

戒聞精進 三昧智慧 威德無侶 殊勝希有
深諦善念 諸佛法海 窮深盡奧 究其涯底
無明欲怒 世尊永無 人雄師子 神德無量
功勳廣大 智慧深妙 光明威相 震動大千

次七偈嘆佛恩德酬前說法之恩。即兼表歸依之情。如情勝士嘆三業德。表歸依也。七偈中分為三嘆。初二偈半嘆身業。初行先嘆無等。次行舉譬顯勝。次半偈結勝。次正覺大音半偈。二嘆口業。明佛音聲等覺十方。次戒聞下四偈。嘆佛意業。前兩偈嘆有行德。無明欲怒下一偈。嘆無為功德。次一偈嘆德用功勳。明其行位。智慧深妙。明其果滿。威神光明震動十方。明其用也。

願我作佛 齋聖法王 過度生死 麋不解脫
布施調意 戒忍精進 如是三昧 智慧為上
吾誓得佛 普行此願 一切恐懼 為作大安
假令有佛 百千億萬 無量大聖 數如恆沙
供養一切 斯等諸佛 不如求道 堅正不郤
譬如恆沙 諸佛世界 渡不可計 無數刹土
光明悉照 遍此諸國 如是精進 威神難量
令我作佛 國土第一 其衆奇妙 道場超絕
國如泥洹 而無等雙 度脫一切 快樂安隱
十方來生 心悅清淨 已至我國

願我得佛下十偈。三明發願也。就中五意。初三偈正發願。假使有佛下兩偈。校量功德。次二偈明修道勤苦。勇猛精進。次二偈發造淨土。十方殊妙為化眾生故。次一偈明十方聞名。發願來生。獲得勝果。願我作佛者。正出菩提心體。過度生死靡不斛脫者。為物之心。明其下化。布施調意下。出其化物行體。上但明發心。今出其行。莫過六度。言智慧為上者。明五度為行不能出離生死。要須智慧。達解本原。方皆過出。故云最上也。造淨土文云。其眾奇妙者。明五通自在。悉不退轉。道場超絕者。亦是道樹超勝。亦可是修道速疾成佛。故云超越。

幸佛明信 是我真證 發願於波 力精所欲
十方世尊 智慧無礙 常令此尊 知我心行

幸佛信明下。二偈是第四意。請佛為證。幸之言遇。遇自在王佛今現而證。上但一往發大誓願度眾生行。行甚難。人不信。意謂但有其言。未必堪行。都無仰學之心。故請佛為證除疑。使物同行。後偈請十方佛為證也。

假使身止 諸苦毒中 我行精進 忽終不悔

假令身止諸苦毒中一偈。是第五意。要心處苦。自行化他。誓逢苦不戚得樂不欣。乃至成佛。畢竟不退。忍終不悔。以成上行願也。

佛告阿難。法藏比丘說此頌已。而白佛言。唯然世尊。我發無上正覺之心。願佛為我廣宣經法。我當修行。攝

取佛國清淨莊嚴無量妙土。令我於世速成正覺。拔諸生死勤苦之本。

入長行從是後廣修因。此中有五段明義。初是法藏請出修因方法。

佛告阿難。時世自在王佛。語法藏比丘。如所修行。莊嚴佛土。沒自當知。

佛語阿難下。二明彼佛推其自解。不肯為說。意欲顯法藏德也。

比丘白佛。斯義弘深非我境界。唯願世尊。廣為敷演諸佛如來淨土之行。我聞此已。當如說修行。成滿所願。

比丘白佛下。三明法藏重請。

爾時。世自在王佛。知其高明。志願深廣。即為法藏比丘而說經言。譬如大海。一人斗量經歷劫數。尚可窮底。得其妙寶。人有至心精進。求道不止。會當剋果。何願不得。於是世自在王佛。即為廣說二百一十億諸佛刹土。天人之善惡。國土之麤妙。應其心願。悉現與之。

爾時世自在王佛下。四明彼佛為說方法。就中有二意。初明修行必剋。舉此量海水得其寶用為譬。於是世自在王佛即為廣說下。後明正為說法。二百一十億佛土善因。雖有強弱之異。然所招之土同是七寶。國土之粗妙應現與之。現佛土不同。令隨願取之。粗之言大。妙者言美。明所現二百一十億

土。皆是大美之土耳。

時波比丘。聞佛所說嚴淨國土。皆悉覩見。起發無上殊勝之願。其心寂靜志無所著。一切世間無能及者。具足五劫。思惟攝取莊嚴佛國清淨之行。阿難白佛。波佛國土。壽量幾何。佛言。其佛壽命四十二劫。時法藏比丘。攝取二百一十億諸佛妙土清淨之行。如是修已。詣波佛所。稽首禮足。遶佛三匝。合掌而住。白佛言世尊。我已攝取莊嚴佛土清淨之行。

時彼比丘下。是第五重明法藏依教修行。自有四段。初正明依教修行意。至佛所自陳。次二明彼佛問比丘出行法。三明

法藏更向佛說其所修四十八願。四明今釋迦追說法藏比丘昔
誓願之後頓滿之行。就初亦可為二初正明修行。明往彼佛所
自陳行之意。即初於五劫中修行發願也。阿難白佛彼佛國土
壽命幾何以下。明答粗疑。彼佛壽四十二劫。但於五劫。何
足疑耶。法藏比丘攝取二百一十億下。詣佛陳行之文。

佛告比丘。汝今可說。宜知是時。發起悅可一切大衆。
菩薩聞已。修行此法。緣致滿足無量大願。

佛告比丘汝今可說以下。二明佛問出行法文。

比丘白佛。唯垂聽察。如我所願。當具說之。設我得佛
。國有地獄。餓鬼畜生者。不取正覺。設我得佛。國中

天人壽終之後。復更三惡道者。不取正覺。設我得佛。國中天人不悉真金色者。不取正覺。設我得佛。國中天人形色不同。有好醜者。不取正覺。設我得佛。國中天人不識宿命。下至知百千億那由他諸劫事者。不取正覺。設我得佛。國中天人不得天眼。下至見百千億那由他諸佛國者。不取正覺。設我得佛。國中天人不得天耳。下至聞百千億那由他諸佛所說。不悉受持者。不取正覺。設我得佛。國中天人不得見他心智。下至知百千億那由他諸佛國中衆生心念者。不取正覺。設我得佛。國中天人不得神足。於一念頃。下至不能超過百千億那由他諸佛國者。不取正覺。設我得佛。國中天人。若起想念貪

計身者。不取正覺。設我得佛。國中天人。不住定聚。
必至滅度者。不取正覺。設我得佛。光明有限量。下至
不照百千億那由他諸佛國者。不取正覺。設我得佛。壽
命有限量。下至百千億那由他劫者。不取正覺。設我得
佛。國中聲聞有能計量。乃至三千大千世界衆生悉成緣
覺。於百千劫悉共計校。知其數者。不取正覺。設我得
佛。國中天人壽命無能限量。除其本願脩短自在。若不
爾者。不取正覺。設我得佛。國中天人。乃至聞有。不
善名者。不取正覺。設我得佛。十方世界無量諸佛。不
悉咨嗟稱我名者。不取正覺。設我得佛。十方衆生。至
心信樂欲生我國。乃至十念。若不生者。不取正覺。唯

除五逆誹謗正法。設我得佛。十方衆生發菩提心。修諸功德。至心發願欲生我國。臨壽終時。假令不與大眾圍遶現其人前者。不取正覺。設我得佛。十方衆生聞我名號。繫念我國。植衆德本。至心迴向欲生我國不果遂者。不取正覺。設我得佛。國中天人悉成滿三十二大人相者。不取正覺。設我得佛。他方佛土諸菩薩衆來生我國。究竟必至一生補處。除其本願自在所化。為衆生故。被弘誓鎧。積累德本度脫一切。遊諸佛國。修菩薩行。供養十方諸佛如來。開化恆沙無量衆生。使立無上正真之道。超出常倫諸地之行。現前修習普賢之德。若爾者。不取正覺。設我得佛。國中菩薩承佛神力供養諸

佛。一食之頃。不能遍至無數無量億那由他諸佛國者。
不取正覺。設我得佛。國中菩薩在諸佛前現其德本。諸
所求欲供養之具。若不如意者。不取正覺。設我得佛。
國中菩薩不能演說一切智者。不取正覺。設我得佛。國
中菩薩不得金剛那羅延身者。不取正覺。設我得佛。國
中天人一切萬物。嚴淨光麗形色殊特。窮微極妙無能稱
量。其諸衆生。乃至逮得天眼。有能明了辯其名數者。
不取正覺。設我得佛。國中菩薩乃至少功德者。不能知
見其道場樹無量光色。高四百萬里者。不取正覺。設我
得佛。國中菩薩。若受讀經法諷誦持說而不得辯才智慧
者。不取正覺。設我得佛。國中菩薩智慧辯才若可限量

者。不取正覺。設我得佛。國土清淨。皆悉照見十方一切無量無數。不可思議諸佛世界。猶如明鏡覩其面像。若不爾者。不取正覺。設我得佛。自地以上至於虛空。宮殿樓觀。池流華樹。國土所有一切萬物。皆以無量雜寶百千種香而共合成。嚴飾奇妙。超諸天人。其香普熏十方世界。菩薩聞者皆修佛行。若不如是。不取正覺。設我得佛。十方無量。不可思議。諸佛世界衆生之類。蒙我光明觸其身者。身心柔軟。超過天人。若不爾者。不取正覺。設我得佛。十方無量不可思議諸佛世界衆生之類。聞我名字。不得菩薩無生法忍諸深總持者。不取正覺。設我得佛。十方無量不可思議諸佛世界。其有女

人聞我名字。歡喜信樂。發菩提心。厭惡女身。壽終之後。復為女像者。不取正覺。設我得佛。十方無量不可思議諸佛世界諸菩薩衆。聞我名字。壽終之後。常修梵行。至成佛道。若不爾者。不取正覺。設我得佛。十方無量不可思議。諸佛世界諸天人民。聞我名字。五體投地。稽首作禮。歡喜信樂。修菩薩行。諸天世人。莫不致敬。若不爾者。不取正覺。設我得佛。國中天人欲得衣服。隨念即至如佛所讚應法妙服。自然在身。有求裁縫擣染浣濯者。不取正覺。設我得佛。國中天人所受快樂。不如漏盡比丘者。不取正覺。設我得佛。國中菩薩隨意欲見十方無量嚴淨佛土。應時如願。於寶樹中皆悉照。

見。猶如明鏡覩見其面像。若不爾者。不取正覺。設我得佛。他方國土諸菩薩衆。聞我名字。至於得佛。諸根缺陋不具足者。不取正覺。設我得佛。他方國土諸菩薩衆。聞我名字。皆悉逮得清淨解脫三昧。住是三昧。一發意頃。供養無量不可思議諸佛世尊。而不失定意。若不爾者。不取正覺。設我得佛。他方國土諸菩薩衆。聞我名字。壽終之後。生尊貴家。若不爾者。不取正覺。設我得佛。他方國土諸菩薩衆。聞我名字。歡喜踊躍。修菩薩行。具足德本。若不爾者。不取正覺。設我得佛。他方國土諸菩薩衆。聞我名字。皆悉逮得普等三昧。住是三昧。至於成佛。常見無量不可思議一切諸佛。若

不爾者。不取正覺。設我得佛。國中菩薩隨其志願所欲聞法。自然得聞。若不爾者。不取正覺。設我得佛。他方國土諸菩薩衆。聞我名字。不即得至不退轉者。不取正覺。設我得佛。他方國土諸菩薩衆。聞我名字。不即得至第一忍第二第三法忍。於諸佛法。不能即得不退轉者。不取正覺。

比丘白佛唯垂聽察下。廣陳四十八願。就中有三重。初正說願。但此願分為三類明之。有三願願淨土。有四十二願願得眷屬。有三願願得法身。三此三文不聚在一處。但隨義作之耳。

佛告阿難。爾時法藏比丘說此願已。以偈頌曰。

我建超世願必至無上道斯願不滿足誓不成等覺
我於無量劫不為大施主普濟諸貧苦誓不成等覺
我至成佛道名聲超十方究竟有不聞
離欲深正念淨慧修梵行志求無上尊
神力演大光普照無際土為諸天人師
開波智慧眼滅此昏盲暗消除三垢冥
功祚成滿足威曜朗十方閉塞諸惡道明濟衆厄難
為衆開法藏廣施功德寶通達善趣門
供養一切佛具足衆德本常於大衆中說法師子吼
如佛無礙智通達靡不照願慧悉成滿得為三界雄
願我功德力等此最勝尊

斯願若剋果。大千應感動。虛空諸天神。當雨珍妙華。
佛語阿難。法藏比丘說此頌已。應時普地六種震動。天
雨妙華以散其上。自然音樂空中讚言。決定必成無上正
覺。

次小長行及五言偈。二明說誓要願。於十一行偈中。自有三
階明義。初有三行正誓。次七行誓後更願。餘一行說誓要瑞。
日月戢重暉者。戢之言集。明日月光雜耀皆入如來德之內。
偈後少許長行。是第三感瑞證成文。地動表能行因。雨花明
必得果。自然音樂。證妙樂之土說法化物也。

於是法藏比丘。具足修滿如是大願。誠諦不虛超出世間

。深樂寂滅。阿難。法藏比丘於其佛所。諸天魔梵龍神八部大衆之中。發斯弘誓。

於是法藏具足修滿下去。四明今釋迦說法藏順願之行也。就有兩。初有三行許文。先牒誓願。

建此願已。一向專志莊嚴妙土。所修佛國。開廓廣大。超勝獨妙。建立當然無衰無變。於不可思議兆載永劫。積植菩薩無量德行。

建此願已一向專志下。後正明修行之事。將欲顯其修行。舉所修國土恢廓廣蕩也。廓以安眾為義。明淨土廣安往生之眾。蕩然無限極也。建立當然者。於此間壞劫而彼無改。相續常

然。於不可思議兆載永劫者。正明修行久遠。是非數之極名。

不生欲覺瞋覺害覺。不起欲想瞋想害想。不著色聲香味觸法。忍力成就。不計衆苦。少欲知足。無染恚癡。三昧常寂。智慧無礙。無有虛偽詔曲之心。和顏愛語。先意承問。勇猛精進。志願無倦。專求清白之法。以惠利羣生。恭敬三寶。奉事師長。以大莊嚴具足衆行。令諸衆生功德成就。住空無相無願之法。無作無起。觀法如化。遠離麤言。自害害波。波此俱害。修習善語。自利利人。人我兼利。棄國捐王。絕去財色。自行六波羅密。教人令行。無央數劫。積功累德。

不生欲覺下去。明行之相。初明六度。次明供養三寶修。三
次明出家修自行外化。

隨其生處。在意所欲。無量寶藏。自然發應。教化安立。
無數衆生。住於無上正真之道。或為長者居士豪姓尊貴。
或為刹利國君。轉輪聖帝。或為六欲天主乃至梵王。
常以四事供養恭敬。一切諸佛。如是功德不可稱說。口
氣香潔如優鉢羅華。身諸毛孔出栴檀香。其香普熏無量
世界。容色端正。相好殊妙。其手常出無盡之寶。衣服
飲食。珍妙華香。繪蓋幢旛莊嚴之具。如是等事。超諸
天人。於一切法而得自在。

隨其生處下。明生處行行。應生得果報。以修自行外化也。
夫三毒之覺。能起犯戒之心。今不起此覺及想。又不著六塵。
故不犯戒也。但施度之要。莫過法施。專求清白無漏之解。
為眾生說。即是施度耳。

阿難白佛。法藏菩薩。為已成佛而取滅度。為未成佛。
為今現在。佛告阿難。法藏菩薩。今已成佛。現在西方。
。去此十萬億刹。其佛世界。名曰安樂。阿難又問。其
佛成道已來。為經幾時。佛言。成佛已來。凡歷十劫。

從阿難白佛下。明得淨土妙果。就中有二段。初略辨得果。
次從無量壽佛威神及寶樹以下。廣明得果。於略明中。先明
法身。後明淨土。初問得佛。後問久遠時節。并有答可知。

其佛國土。自然七寶。金銀瑠璃珊瑚琥珀碑礫碼碭。合
成為地。妙廓廣蕩。不可限極。悉相雜廁。轉相間入。
光赫煜爍。微妙奇麗。清淨莊嚴。超踰十方一切世界衆
寶中精。其寶猶如第六天寶。又其國土無須彌山。及金
剛圍一切諸山。亦無大海小海溪渠井谷。佛神力故欲見
則見。亦無地獄餓鬼畜生諸難之趣。亦無四時。春夏秋
冬。不寒不熱。常和調適。爾時阿難白佛言。世尊。若
波國土無須彌山。其四天王及忉利天依何而住。佛語阿
難。第三炎天乃至色究竟天皆依何住。阿難白佛。行業
果報不可思議。佛語阿難。行業果報不可思議。諸佛世
界亦不可思議。其諸衆生功德善力。住行業之地。故能

爾耳。阿難白佛。我不疑此法。但為將來衆生。欲除其疑惑。故問斯義。

國土自然下去。明淨土中。初正明淨土者四行餘文。無須彌山以下。明無穢。無有高下諸山及四時節也。然眾生欲見佛。神力現之耳。次因之問無須彌山者。彼四天及忉利天何得住。

釋當來之疑有五意可解。

佛告阿難。無量壽佛。威神光明最尊第一。諸佛光明所不能及。或照百佛世界。或千佛世界。取要言之。乃照東方恆沙佛刹。南西北方四維上下亦復如是。或有佛光照於七尺。或一由旬。二三四五由旬。如是轉倍乃至照

一佛刹。是故無量壽佛。號無量光佛。無邊光佛。無礙光佛。無對光佛。炎王光佛。清淨光佛。歡喜光佛。智慧光佛。不斷光佛。難思光佛。無稱光佛。超日月光佛。其有衆生遇斯光者。三垢消滅。身意柔軟。歡喜踊躍。善心生焉。若在三塗極苦之處。見此光明。皆得休息。無復苦惱。壽終之後。皆蒙解脫。無量壽佛。光明顯赫。照曜十方。諸佛國土。莫不聞焉。不但我今稱其光明。一切諸佛聲聞緣覺諸菩薩衆。咸共歎譽。亦復如是。若有衆生。聞其光明威神功德。日夜稱說。至心不斷。隨意所願。得生其國。為諸菩薩聲聞之衆所共歎譽稱其功德。至其最後得佛道時。普為十方諸佛菩薩歎其光明。

。亦如今也。佛言。我說無量壽佛光明威神巍巍殊妙。
晝夜一劫。尙未能盡。

無量壽佛威神光明下。廣明果。亦例有二。此先明佛果有兩。
一明光明果。二明其壽長遠。光中初正明光。次明照佛土用。
次明因光得名。遇斯光者以下。次明得益。能滅三毒三垢。
次又聞光明稱說者得生彼國。及其成佛復為十方之所稱說。

佛語阿難。又無量壽佛壽命長久不可稱計。汝寧知乎。

假使十方世界無量衆生。皆得人身。悉令成就聲聞緣覺。
都共集會。禪思一心。竭其智力。於百千萬劫。悉共
推算。計其壽命長遠之數。不能窮盡知其限極。聲聞答

薩天人之衆。壽命長短。亦復如是。非算數譬喻所能知也。又聲聞菩薩其數難量。不可稱說。神智洞達。威力自在。能於掌中持一切世界。佛語阿難。波佛初會。聲聞衆數不可稱計。菩薩亦然。如大目犍連百千萬億無量無數。於阿僧祇那由他劫。乃至滅度。悉共計校。不能究了多少之數。譬如大海。深廣無量。假使有人析其一毛以為百分。以一分毛沾取一滴。於意云何。其所滴者。於波大海。何所為多。阿難白佛。波所滴水。比於大海多少之量。非巧歷算數言辭譬類所能知也。佛語阿難。如目連等。於百千萬億那由他劫。計波初會聲聞菩薩。所知數者。猶如一滴。其所不知。如大海水。

於壽長遠文中。初四行半明彼佛壽。次明聲聞天人壽命長遠。
又其數難量下。明眾數非算計能知。於明眾數難知中。初總
明眾數多少。略嘆眾德。佛語阿難下。的辨三會數中初數多。
有法說譬合。明此初會尚非目連等所知。豈況後兩會數可知乎。

又其國土。七寶諸樹。周滿世界。金樹。銀樹。琉璃樹。
。玻瓈樹。珊瑚樹。碼碯樹。碑礎之樹。或有二寶三寶。
。乃至七寶。轉共合成。或有金樹。銀葉華果。或有銀
樹。金葉華果。或琉璃樹。玻瓈為葉。華果亦然。或水
精樹。瑠璃為葉。華果亦然。或珊瑚樹。瑪瑙為葉。華
果亦然。或碼碯樹。琉璃為葉。華果亦然。或碑礎樹。
衆寶為葉。華果亦然。或有寶樹。紫金為本。白銀為莖。

。瑠璃為枝。水精為條。珊瑚為葉。碼碯為華。碑碣為實。或有寶樹。白銀為本。瑠璃為莖。水精為枝。珊瑚為條。碼碯為葉。碑碣為華。紫金為實。或有寶樹。瑠璃為本。水精為莖。珊瑚為枝。碼碯為條。碑碣為葉。紫金為華。白銀為實。或有寶樹。水精為本。珊瑚為莖。紫金為枝。碑碣為條。紫金為葉。白銀為華。珊瑚為實。或有寶樹。珊瑚為本。碼碩為莖。白銀為枝。瑠璃為葉。白銀為枝。珊瑚為莖。或有寶樹。珊瑚為本。水精為莖。白銀為枝。水精為實。或有寶樹。碼碩為本。白銀為葉。珊瑚為本。紫金為枝。白銀為莖。珊瑚為葉。白銀為枝。珊瑚為莖。或有寶樹。珊瑚為本。碑碣為莖。紫金為枝。白銀為條。珊瑚為葉。白銀為枝。珊瑚為條。水精為葉。珊瑚為實。或有寶樹。碑碣為本。珊瑚為莖。紫金為葉。白銀為枝。珊瑚為條。水精為葉。珊瑚為華。碼碩為莖。

實。行行相值。莖莖相望。枝枝相准。葉葉相向。華華
相順。實實相當。榮色光曜。不可勝視。清風時發。出
五音聲。微妙宮商。自然相和。

明淨土果亦有二。初正國土莊嚴。後明國中人物美妙。國土
中自有四重。初明寶樹莊嚴。亦有自然萬種伎樂以下。二明
伎樂。又講堂以下。三明講堂樓觀。內外左右有諸寶池下。
四明有好寶池莊嚴也。於寶樹文中。初明諸樹。後別明菩提
樹。諸樹文中。初明七寶所成。次明花葉相間。次明行列可
觀。清風徐發以下。次明有出好音聲之用。

又無量壽佛。其道場樹。高四百萬里。其本周圍五千由

旬。枝葉四布二十萬里。一切衆寶自然合成。以月光摩尼持海輪寶。衆寶之王而莊嚴之。周匝條間垂寶瓔珞。百千萬色種種異變。無量光炎照曜無極。珍妙寶網羅覆其上。一切莊嚴。隨應而現。微風流動。吹諸寶樹。演出無量妙法音聲。其聲流布遍諸佛國。聞其音者。得深法忍住不退轉。至成佛道。耳根清澈。不遭苦患。目覩其色。耳聞其音。鼻知其香。口嘗其味。身觸其光。心以法緣。皆得甚深法忍。住不退轉。至成佛道。六根清澈。無諸惱患。阿難。若波國土天人。見此樹者。得三法忍。一者音響忍。二者柔順忍。三者無生法忍。此皆無量壽佛威神力故。本願力故。滿足願故。明了願故。

堅固願故。究竟願故。佛告阿難。世間帝王。有百千音樂。自轉輪聖王。乃至第六天上。妓樂音聲。展轉相勝。千億萬倍。第六天上萬種樂音。不如無量壽國諸七寶樹。一種音聲千億倍也。

菩提樹文中。初明樹體。有五行半文。微風徐動下。次明利益物用。樹出好聲。使聞見者。得深法。又得六根清淨。次舉本願釋得益之意。佛告阿難下。次校其勝也。

亦有自然萬種妓樂。又其樂聲。無非法音。清暢哀亮。微妙和雅。十方世界音聲之中。最為第一。

案此節二明伎樂

其講堂。精舍。宮殿。樓觀。皆七寶莊嚴。自然化成。
復以真珠明月摩尼衆寶以為交絡。覆蓋其上。

案此節三明講堂樓觀

內外左右有諸浴池。或十由旬。或二十三十。乃至百千
由旬。縱廣深淺。皆各一等。八功德水。湛然盈滿。清
淨香潔。味如甘露。黃金池者。底白銀沙。白銀池者。
底黃金沙。水精池者。底瑠璃沙。瑠璃池者。底水精沙
。珊瑚池者。底琥珀沙。琥珀池者。底珊瑚沙。碑磲池
者。底碼碯沙。碼碯池者。底碑磲沙。白玉池者。底紫
金沙。紫金池者。底白玉沙。或有二寶三寶。乃至七寶

。轉共合成。其池岸上有栴檀樹。華葉垂布。香氣普熏。
。天優鉢羅華。鉢疊摩華。拘牟頭華。分陀利華。雜色
光茂。彌覆水上。波諸菩薩。及聲聞衆。若入寶池。意
欲令水沒足。水即沒足。欲令至膝。即至於膝。欲令至
腰。水即至腰。欲令至頸。水即至頸。欲令灌身。自然
灌身。欲令還復。水輒還復。調和冷暖。自然隨意。開
神悅體。蕩除心垢。清明澄潔。淨若無形。寶沙映澈。
無深不照。激瀾迴流轉相灌注。安詳徐逝。不遲不疾。
波揚無量。自然妙聲。隨其所應。莫不聞者。或聞佛聲
。或聞法聲。或聞僧聲。或寂靜聲。空無我聲。大慈悲
聲。波羅密聲。或十力無畏不共法聲。諸通慧聲。無所

作聲。不起滅聲。無生忍聲。乃至甘露灌頂。衆妙法聲。如是等聲稱其所聞。歡喜無量。隨順清淨。離欲寂滅。真實之義。隨順三寶力無所畏不共之法。隨順通慧。菩薩聲聞所行之道。無有三塗苦難之名。但有自然快樂之音。是故其國名曰安樂。

明寶池文中。初明池縱廣。次明有好水。黃金池者下。次明有妙好水。既作七寶色。故云黃金等也。其池岸上下。次明有好花。彼諸菩薩若入寶池下。次明池水有開神悅體。滅惡生善。及出好聲。詮辨三寶萬行等事。無有惡聲不過之事也。

阿難。波佛國土。諸注生者。具足如是清淨色身。諸妙

音聲。神通功德。所處宮殿。衣服飲食。衆妙華香。莊嚴之具。猶第六天自然之物。若欲食時。七寶鉢器自然在前。金銀。瑠璃。磚磲。碼碯。珊瑚。琥珀。明月。真珠。如是諸鉢。隨意而至。百味飲食。自然盈滿。雖有此食。實無食者。但見色聞香。意以爲食。自然飽足。身心柔軟。無所味著。事已化去。時至復現。波佛國土。清淨安隱。微妙快樂。次於無爲泥洹之道。

阿難彼佛國土諸往生者以下。是大段明人物美妙。自有三種。初雙明依正二報。一行餘文明正報所處宮殿一行文。雜明依報勝。若欲食時下。二偏明飯食七寶器及百味等事。

其諸聲聞菩薩天人智慧高明。神通洞達。咸同一類。形無異狀。但因順餘方。故有天人之名。顏貌端正。超世希有。容色微妙。非天非人。皆受自然。虛無之身。無極之體。佛告阿難。譬如世間貧窮乞人在帝王邊。形貌容狀寧可類乎。阿難白佛。假令此人在帝王邊。羸陋醜惡無以爲喻。百千萬億不可計倍。所以然者。貧窮乞人。底極斯下。衣不蔽形。食趣支命。飢寒困苦。人理殆盡。皆坐前世不植德本。積財不施。富有益慳。但欲唐得。貪求無厭。不信修善。犯惡山積。如是壽終。財寶消散。苦身聚積。爲之憂惱。於己無益。徒爲他有。無善可怙。無德可恃。是故死墮惡趣。受此長苦。罪畢得

出。生為下賤。愚鄙斯極。示同人類。所以世間帝王人
中獨尊。皆由宿世積德所致。慈惠博施。仁愛兼濟。履
信修善。無所違爭。是以壽終福應。得升善道。上生天
上。享茲福樂。積善餘慶。今得為人。乃生王家。自然
尊貴。儀容端正。衆所敬事。妙衣珍饈。隨心服御。宿
福所追。故能致此。佛告阿難。沒言是也。計如帝王。
雖人中尊貴。形色端正。比之轉輪聖王。甚為鄙陋。猶
波乞人在帝王邊也。轉輪聖王。威相殊妙。天下第一。
比之忉利天王。又復醜惡。不得相喻。萬億倍也。假令
天帝比第六天王。百千億倍不相類也。設第六天王。比
無量壽佛國菩薩聲聞。光顏容色不相及逮。百千萬億不

可計倍。

其諸聲聞菩薩下。偏明正報。略歎神通。智慧洞達。咸同一狀者。明形類是同。稟受虛無之身。無極之體者。以神通無所不至故。無極之體。色如光影。故云虛無之身。非意無色狀也。欲顯形狀之勝後作問答校量。

佛告阿難。無量壽國。其諸天人。衣服飲食。華香瓔珞。繪蓋幢旛。微妙音聲。所居舍宅宮殿樓閣。稱其形色高下大小。或一寶二寶。乃至無量衆寶。隨意所欲。應念即至。又以衆寶妙衣。遍布其地。一切天人踐之而行。無量寶網彌覆佛土。皆以金縷真珠。百千雜寶奇妙珍

異。莊嚴校飾。周匝四面。垂以寶鈴。光色晃曜。盡極嚴麗。自然得風。徐起激動。其風調和。不寒不暑。溫涼柔軟。不遲不疾。吹諸羅網及衆寶樹。演發無量微妙法音。流布萬種。溫雅德香。其有聞者。塵勞垢習。自然不起。風觸其身。皆得快樂。譬如比丘得滅盡三昧。又風吹散華。遍滿佛土。隨色次第而不雜亂。柔軟光澤。馨香芬烈。足履其上。踏下四寸。隨舉足已。還復如故。華用已訖。地趣開裂。以次化沒。清淨無遺。隨其時節。風吹散華。如是六反。又衆寶蓮華周滿世界。一寶華百千億葉。其華光明。無量種色。青色青光。白色白光。玄黃朱紫。光色赫然。煥爛明曜日月。

一一華中。出三十六百千億光。一一光中。出三十六百千億佛。身色紫金。相好殊特。一一諸佛。又放百千光明。普為十方說微妙法。如是諸佛。各各安立。無量衆生於佛正道。

佛告阿難。諸天人民以下。三別明依報文中。初明依報勝。

自然德風以下。次明有好風。又眾寶蓮華以下。明有好華也。

文云煥爛者。煥之意照。爛之言香。明照及有香也。

無量壽經義疏卷上終

無量壽經義疏卷下

隋釋吉藏撰

佛告阿難。其有衆生生波國者。皆悉住於正定之聚。所以者何。波佛國中。無諸邪聚。及不定聚。十方恆沙。諸佛如來。皆共讚歎無量壽佛。威神功德。不可思議。諸有衆生聞其名號。信心歡喜。乃至一念。至心迴向。願生波國。即得往生。住不退轉。唯除五逆誹謗正法。

從第二卷初。訖正說文。此正說二段中大段第二。勸物修因往生也。就中有二段。從初訖三輩文。示修因方法。此後盡正說文。勸物往生。就第一中有二。初略明。次三輩文廣明。

也。略中有三。初舉定聚引物。明生彼土者。必入定位。以彼土無有邪聚及不定位故也。十方諸佛下。次句明恒沙佛皆共讚嘆也。次句明彼土純有正定善人。無邪惡之人。故十方諸天人聞名欲往生者。應須發願生。略示往因。是發心一向等也。

佛告阿難。十方世界諸天人民。其有至心願生波國。凡有三輩。其上輩者。捨家棄欲而作沙門。發菩提心。一向專念無量壽佛。修諸功德願生波國。此等衆生臨壽終時。無量壽佛與諸大衆現其人前。即隨波佛往生其國。便於七寶華中自然化生。住不退轉。智慧勇猛。神通自在。是故阿難。其有衆生欲於今世見無量壽佛。應發無

上菩提之心。修行功德願生波國。佛告阿難。其中輩者。十方世界諸天人民。其有至心願生波國。雖不能行作沙門大修功德。當發無上菩提之心。一向專念無量壽佛。多少修善。奉持齋戒。起立塔像。飯食沙門。懸繒然燈。散華燒香。以此迴向。願生波國。其人臨終。無量壽佛化現其身。光明相好具如真佛。與諸大眾現其人前。即隨化佛往生其國。住不退轉。功德智慧。次如上輩者也。佛告阿難。其下輩者。十方世界諸天人民。其有至心。欲生波國。假使不能作諸功德。當發無上菩提之心。一向專意。乃至十念。念無量壽佛。願生其國。若聞深法歡喜信樂。不生疑惑。乃至一念念於波佛。以至

誠心願生其國。此人臨終。夢見波佛。亦得注生。功德智慧。次如中輩者也。

十方世界諸天人民以下。廣辨成業往生者有三輩人。即示修因之方法。三輩即為三。初輩人能出家棄欲。又發菩提心。復能專念。又修諸功德而迴向。此人臨終成業往生。住不退轉也。中輩人雖不出家而能大修功德。又能發菩提心。復專念示。皆迴向發願。此人亦成業往生。住不退轉也。下輩能發心。又能專念。亦能發願。又能信樂。此人成業往生。亦住不退轉也。但此中上輩人是觀經九輩中上中品人。何以得知。彼云上品中者。明佛乘寶臺來迎。足蹈七寶華中。此中亦云七寶華。故知是也。此中中輩人。應是觀經中品中上品。

及中中品人。何以知之。彼文明有佛來迎。而中下品不明佛來。故知之也。此中下品人。應是觀經下下品人。何以知之。後文辨下下成就十念得生。今亦然也。結三輩人皆菩提心為正因。餘行為緣因。因即有三品。而同招壽無量者。既同求無盡種智。又盡求度一切眾生。此業與法性無量。故得壽同出算數之外。同云無量也。而報因有勝劣。果應有勝負也。

佛告阿難。無量壽佛威神無極。十方世界無量無邊。不可思議諸佛如來。莫不稱歎。於波東方恆河沙佛國。無量無數諸菩薩衆。皆悉注詣無量壽佛所。恭敬供養。及諸菩薩聲聞之衆。聽受經法。宣布道化。南西北方。四維上下。亦復如是。

從佛告阿難無量壽佛威神無極下。第二勸物修因往生。就中大分為三。第一舉彼出勝妙伎樂以引物。第二明娑婆雜惡可棄。從然世人薄俗以下是也。第三現西方之相。勸物信。從更整衣服下是也。就明勝妙中有二重。初明勝妙快樂。次從佛告彌勒諸天人等下。明引物修因急往生也。初段中復有二。第一盡偈明十方諸佛菩薩讚嘆供養彼佛。第二明釋迦讚美彼土勝妙快樂。就初長行偈頌為二。長行中初別明東方。次總餘九方。

爾時世尊而說頌曰。

東方諸佛國 其數如恆沙 波土菩薩衆 注觀無量覺
南西北四維 上下亦復然 波土菩薩衆 注觀無量覺

一切諸菩薩 各賚天妙華 寶香無價衣 供養無量覺
咸然奏天樂 暢發和雅音 歌歎最勝尊 供養無量覺
究達神通慧 遊入深法門 具足功德藏 妙智無等倫
慧日朗世間 消除生死雲 恭敬遶三匝 稽首無上尊
見波嚴淨土 激妙難思議 因發無量心 穎我國亦然

偈頌中有四段。初有七偈頌上長行。十方諸佛讚嘆供養。次有八行明彼佛為往菩薩授記。次有五行明十方諸佛各命其土菩薩令往安養國供養聽法。次有十行明經教難聞教物生信。初七行中初二行明其來至。次五行正明供養。一行明身業。咸然奏天樂下。三行明口業。咸之言同。奏之言作也。見彼嚴淨土下明意業供養。明十方諸佛令眾生發心。既發心上合

佛意。故云發心為供養也。

應時無量尊 動容發欣笑 口出無數光 遍照十方國
迴光圍遶身 三匝從頂入 一切天人衆 踊躍皆歡喜
大士觀世音 整服稽首問 白佛何緣笑 唯然願說意
梵聲猶雷震 八音暢妙響 當授菩薩記 今說仁諦聽

明授記八行中。初四行明授記之相。次四行正明授記。初四行中。初一行半。表得時機。所以欣笑。口出光還從頂入者。表吐言說為物授至極法身之記也。次半行明人天知相而歡喜。次一行觀音明表相之喜。次一行佛答以誠聽也。八音者。一響二徹三清四柔五哀六高七和八雅。

十方來正士 吾悉知波願 志求嚴淨土 受決當作佛
覺了一切法 猶如夢幻響 滿足諸妙願 必成如是刹
知法如電影 究竟菩薩道 具諸功德本 受決當作佛
通達諸法性 一切空無我 專求淨佛土 必成如是刹

正記四行中。二行有願故記。次行有功德故記。次行有空有解故記。

諸佛告菩薩 令觀安養佛 聞法樂受行 疾得清淨處
至波嚴淨國 便速得神通 必於無量尊 受記成等覺
其佛本願力 聞名欲注生 皆悉到波國 自致不退轉
菩薩興至願 願己國無異 普念度一切 名顯滿十方

奉事億如來 飛化遍諸刹 恭敬歡喜去 還到安養國
就十方佛各命令往五行中。初三行佛命。次二行明菩薩受命
而往也。

若人無善心 不得聞此經 清淨有戒者 乃獲聞正法
曾更見世尊 則能信此事 謙敬聞奉行 踊躍大歡喜
憍慢弊懈怠 難以信此法 宿世見諸佛 樂聽如是教
聲聞或菩薩 莫能究聖心 譬如從生盲 欲行開導人
如來智慧海 深廣無涯底 二乘非所測 唯佛獨明了
假使一切人 具足皆得道 淨慧知本空 億劫思佛智
窮力極講說 盡壽猶不知 佛慧無邊際 如是致清淨

壽命甚難得。佛世亦難值。人有信慧難。若聞精進求。
聞法能不忘。見敬得大慶。則我善親友。是故當發意。
設滿世界火。必過要聞法。會當成佛道。廣度生死流。
就十行教信中。初三行正嘆經聞。次四行舉所證理。釋能詮。
之文難得值聞。次三行舉諸難以教物生信。

佛告阿難。波國菩薩。皆當究竟一生補處。除其本願為衆生故。以弘誓功德而自莊嚴。普欲度脫一切衆生。阿難。波佛國中諸聲聞衆身光一尋。菩薩光明照百由旬。有二菩薩最尊第一。威神光明。普照三千大千世界。阿難白佛。波二菩薩。其號云何。佛言。一名觀世音。二

名大勢至。此二菩薩。於是國土修菩薩行。命終轉化。
生波佛國。

就釋迦嘆中有二。第一明彼土人天眷屬勝妙。第二明彼佛為眾說法之眾盛事。眷屬德中有兩。初明諸菩薩人天觀音大勢至等智德勝。

阿難。其有衆生生波國者。皆悉具足三十二相。智慧成滿。深入諸法。究暢要妙。神通無礙。諸根明利。其鈍根者。成就二忍。其利根者。得不可計無生法忍。又波菩薩。乃至成佛。不受惡趣。神通自在。常識宿命。除生他方五濁惡世。示現同波。如我國也。佛語阿難。波

國菩薩承佛威神。一食之頃。往詣十方無量世界。恭敬供養諸佛世尊。隨心所念。華香妓樂。衣蓋幢旛。無數無量供養之具。自然化生。應念即至。珍妙殊特。非世所有。輒以奉散諸佛。及諸菩薩聲聞之衆。在虛空中化成華蓋。光色昱爍。香氣普熏。其華周圓四百里者。如是轉倍。乃覆三千大千世界。隨其前後。以次化沒。其諸菩薩僉然欣悅。於虛空中。共奏天樂。以微妙音歌歎佛德。聽受經法。歡喜無量。供養佛已。未食之前。忽然輕舉。還其本國。

佛語阿難下去。遍明彼土人物神通供養。稱意自在之德。尋

文可見。

佛語阿難。無量壽佛。為諸聲聞菩薩天人頌宣法時。都悉集會七寶講堂。廣宣道教演暢妙法。莫不歡喜心解得道。即時四方自然風起。吹七寶樹出五音聲。無量妙華隨風四散。自然供養如是不絕。一切諸天。皆發天上百千華香。萬種妓樂。供養其佛及諸菩薩聲聞之衆。普散華香奏諸音樂。前後來往更相開避。當斯之時。熙怡快樂。不可勝言。

明說法盛中有二。初明佛說。後明菩薩說。即是傳佛語。班之言布。亦云次也。莫不歡喜者。明皆得解。即時自然風起。

者。明說法時有勝樂事。供養於佛。樂難可勝言也。

佛告阿難。生波佛國諸菩薩等所可講說。常宣正法。隨順智慧。無違無失。於其國土所有萬物。無我所心。無染著心。去來進止。情無所係。隨意自在。無所適莫。無波無我。無競無訟。於諸衆生。得大慈悲。饒益之心。柔潤調伏無忿恨心。離蓋清淨無厭怠心。等心。勝心。深心。定心。愛法樂法喜法之心。滅諸煩惱離惡趣心。究竟一切菩薩所行。具足成就無量功德。得深禪定諸通明慧遊志七覺。修心佛法。肉眼清澈靡不分了。天眼通達。無量無限。法眼觀察究竟諸道。慧眼見真。態度

波岸。佛眼具足覺了法性。以無礙智爲人演說。等觀三
界空無所有。志求佛法。具諸辯才。除滅衆生。煩惱之
患。從如來生。解法如如。善知集滅音聲方便。不欣世
語樂在正論。修諸善本。志崇佛道。知一切法皆悉寂滅
。生身煩惱二餘俱盡。聞甚深法心不疑懼。常能修行其
大悲者。深遠微妙。靡不覆載。究竟一乘。至於波岸。
決斷疑網。慧由心出。於佛教法該羅無外。智慧如大海
。三昧如山王。慧光明淨。超踰日月。清白之法。具足
圓滿。

於菩薩傳佛語中有二。初明說無乖違。於其國土下。次嘆德。

有三重。初法說嘆。中寄譬歎。後還就法說歎也。就初法說歎中有六種歎。初歎無染著德。故云無競訟無適莫也。得大慈悲下。歎四等德也。愛法下。明有尊重法樂好德也。修心佛法肉眼清徹下。明有五眼德。以無礙智為人演說下。明辨德也。志求佛法。法無礙。從如來生解法如如。義無礙。善知習滅音聲明辭無礙。修諸善本明自行外化德。生身煩惱者。歎自行盡見思正使也。二餘俱盡者。二眾習盡。其大悲者下。明外化。靡不覆載者。內德既備。善能覆眾生也。因行自能究故。能至彼泥洹之岸。決斷疑網者。能斷眾生疑。初明鑒從内心而出。不明師諮也。該羅者。該之言及。羅之言攝。明解佛法弘廣。萬法無蓋盡也。

猶如雪山。照諸功德等一淨故。猶如大地。淨穢好惡無異心故。猶如淨水。洗除塵勞諸垢染故。猶如火王。燒滅一切煩惱薪故。猶如大風。行諸世界。無障礙故。猶如虛空。於一切有無所著故。猶如蓮華。於諸世間無染汙故。猶如大乘。運載羣萌出生死故。猶如重雲。震大法雷覺未覺故。猶如大雨。雨甘露法潤衆生故。如金剛山。衆魔外道不能動故。如梵天王。於諸善法最上首故。如尼拘類樹。普覆一切故。如優曇鉢華。希有難遇故。如金翅鳥。威伏外道故。如衆遊禽。無所藏積故。猶如牛王。無能勝故。猶如象王。善調伏故。如師子王。無所畏故。曠若虛空。大慈等故。

譬說有二十句。當分有合可解。

摧滅嫉心。不忌勝故。專樂求法。心無厭足。常欲廣說。
志無疲倦。擊法鼓。建法幢。曜慧日。除癡闇。修六和
敬。常行法施。志勇精進。心不退弱。為世燈明。最勝
福田。常為師導。等無憎愛。唯樂正道。無餘欣戚。拔
諸欲刺。以安羣生。功慧殊勝。莫不尊敬。滅三垢障。
遊諸神通。因力。緣力。意力。願力。方便之力。常
力。善力。定力。慧力。多聞之力。施戒忍辱精進禪
定。智慧之力。正念止觀諸通明力。如法調伏諸衆生
力。如是等力。一切具足身色相好。功德辯才。具足莊

嚴。無與等者。恭敬供養無量諸佛。常為諸佛所共稱歎。究竟菩薩諸波羅密。修空無相無願三昧。不生不滅諸三昧門。遠離聲聞緣覺之地。阿難。波諸菩薩成就如是無量功德。我但為汝略言之耳。若廣說者。百千萬劫不能窮盡。

於第三還法說文復有四別。初明有法施之德。即以六和敬為首歎之。六和者。謂戒同見同利養同身同口同意同也。次二拔諸欲刺以下。以大悲為首歎之。因力緣力下。次三以諸力解歎之。恒照大乘之因以化物。故云因力。照眾生所藉之緣。名緣力。願力者內有重願度一切也。方便力者。有巧度之解也。常不捨此願。欲利安物。明善力也。在境不亂明定力。

鑒而不闇名慧力。能隨萬種為說。名多聞力。施戒忍等力者。以六度化物也。諸通明力者。以神通三明化之力也。如法調伏諸眾生力者。柔者以法調之。剛者以勢伏之。如是等結歎諸力也。身色相好下。第四色身為首歎之。阿難彼諸菩薩下。既歎竟結歎耳。

佛告彌勒菩薩。諸天人等。無量壽國。聲聞菩薩。功德智慧。不可稱說。又其國土微妙安樂清淨若此。何不力為善。念道之自然。著於無上下。洞達無邊際。宜各勤精進。努力自求之。必得超絕去。往生安樂國。橫截五惡道。惡道自然閑。昇道無窮極。易往而無人。其國不逆違。自然之所牽。何不棄世事。勤行求道德。可得極

長生。壽樂無有極。

佛告彌勒諸天等下。第二引物修因往生。有二。初先牒別人淨。次又其國土下。牒土淨。何不為善念道之自然下。勸修因。念道之自然者。念於彼土勝妙功德。果自然而應也。著於無上下者。著之意證。證果無有形色上下好醜之異。洞達是智。無邊際是真諦境。此明正報果。宜各勤精進努力自求之者。勸令勤策善因。必得於妙果。修菩提因則橫斷五道流轉。故云惡趣自然閉也。去者既多。故云無窮極。只修十念成就。即得往生而行者希。故云易往而無人也。其國不逆違自然之所牽。此二句釋易往義。明修因竅招果。則為此果所牽也。何不棄眾事。結勸之句也。

然世人薄俗。共諍不急之事。於此劇惡極苦之中。勤身營務。以自給濟。無尊無卑。無貧無富。少長男女。共憂錢財。有無同然。憂思適等。屏營愁苦。累念積慮。為心走使。無有安時。有田憂田。有宅憂宅。牛馬六畜。奴婢錢財。衣食什物。復共憂之。重思累息。憂念愁怖。橫為非常。水火盜賊。怨家債主。焚漂劫奪。消散磨滅。憂毒忪忪。無有解時。結幘心中。不離憂惱。心堅意固。適無縱捨。或坐摧碎。身亡命終。棄捐之去。莫誰隨者。尊貴豪富。亦有斯患。憂懼萬端。勤苦若此。結衆寒熱。與痛共居。貧窮下劣。困乏常無。無田亦憂。欲有田。無宅亦憂。欲有宅。無牛馬。六畜奴婢。錢財衣食什。

物。亦憂欲有之。適有一復少一。有是少是。思有齊等。
。適欲具有。便復糜散。如是憂苦。當復求索。不能時
得。思想無益。身心俱勞。坐起不安。憂念相隨。勤苦
若此。亦結衆寒熱。與痛共居。或時坐之終身夭命。不
肯爲善行道進德。壽終身死。當獨遠去有所趣向。善惡
之道。莫能知者。

然世人薄俗以下。第二明娑婆雜惡。此中有兩段。第一貶毀。
第二善惡相形。貶毀汎舉造惡人。爲善惡相形。遍明受佛戒
毀破者。故爲誠。就初段有二。自下明三毒十惡等造苦可厭。
我今語汝世間之事以下。第二勸修出離善。明三毒造惡。即
有三段。自下者明貪心造苦。有二。初明富者皆苦。薄俗者

心愚少智。故云薄俗。皆各已諍利以自給濟。無尊無卑。出作惡之人。累念積慮。明貪心財。相積不捨。勤求無寧。故為心走使。有田憂田以下。廣富人多求之苦。衣食什物。什之言眾也。憂念愁怖。前明求苦。此明守護之苦。橫為非常者。怨家忽可頓覆也。忪忪者。明其悲哀。結憤明其生瞋。憂懼萬端。前明求財。勤苦若此。結失財之苦。結眾寒熱者。結之意集。意行苦。招寒熱病。貧窮下劣下。明貧人造苦。消失亦易。文云有所趣向莫能知者。既生死絕趣向苦樂。而在者不知。不肯作善。故云莫知也。

世間人民。父子兄弟。夫婦家室。中外親屬。當相敬愛。無相憎嫉。有無相通。無得貪惜。言色常和。莫相

違戾。或時心諍。有所恚怒。今世恨意。微相憎嫉。後世轉劇。至成大怨。所以者何。世間之事。更相患害。雖不即時。應急想破。然含毒畜怒。結憤精神。自然剋識。不得相離。皆當對生。更相報復。人在世間。愛欲之中。獨生獨死。獨去獨來。當行至趣。苦樂之地。身自當之。無有代者。善惡變化。殃福異處。宿豫嚴持。當獨趣入。遠到他所。莫能見者。善惡自然。追行所生。窈窈冥冥別離久長。道路不同。會見無期。甚難甚難。今得相值。何不棄衆事。各遇強健時。努力勤修善。精進願度世。可得極長生。如何不求道。安所湏持。欲何樂乎。

世間人民以下。二明瞋心造惡。先明造惡也。人在世間下。
明苦果。善惡變化者。惡因得苦。善因得樂。其報易前也。
宿豫嚴待。作善者天堂果報以待之。作惡者。刀山劍樹以待之。

如是世人。不信作善得善為道得道。不信人死更生。惠
施得福。善惡之事。都不信之。謂之不然。終無有是。
但坐此故。且自見之。更相瞻視。先後同然。轉相承受
父餘教令。先人祖父。素不為善。不識道德。身愚神闇
。心塞意閑。死生之趣。善惡之道。自不能見。無有語
者。吉凶禍福。競各作之。無一恆也。生死常道。轉相
嗣立。或父哭子。或子哭父。兄弟夫婦。更相哭泣。顛
倒上下。無常根本。皆當過去。不可常保。教語開導。

信之者少。是以生死流轉。無有休止。如此之人。蒙冥抵突。不信經法。心無遠慮。各欲快意。癡惑愛欲。不達於道德。迷沒於瞋怒。貪狼於財色。坐之不得道。當更惡趣苦。生死無窮已。哀哉甚可傷。或時室家。父子兄弟夫婦。一死一生。更相哀愍。恩愛思慕。憂念結縛。心意痛著。迭相顧戀。窮日卒歲。無有解已。教語道德。心不開明。思想恩好。不離情欲。昏蒙闇塞。愚惑所覆。不能深思熟計。心自端正。專精行道。決斷世事。便旋至竟。年壽終盡。不能得道。無可奈何。總猥幘擾。皆貪愛欲。惑道者衆。悟之者少。世間忽忽。無可聊賴。尊卑上下。貧富貴賤。勤苦忽務。各懷殺毒。惡

氣窈冥。為忘興事。違逆天地。不從人心。自然非惡。
先隨與之。恣聽所為。待其罪極。其壽未終盡。便頓奪
之。下入惡道。累世勸苦。展轉其中。數千億劫。無有
凶期。痛不可言。甚可哀愍。

如是世人下。三明愚癡心造惡。但坐此故。坐之意由。由其
不信。造惡不悔。且自見之者。臨終相現爾時方知也。身造
惡故云身愚。心不信故。云神闇。生死禍福無一怪也者。死
亡祠祀。殺生為凶。嫁娶等為吉。世人於此。二事競各為之。
意是所宜。故云不相怪也。此下云總猥憒擾者。正道心相煩
多。惡逆天地者。上不順天心。下違閻羅王之意。待其罪極便頓
奪之者。正明滅壽奪算。惡鬼打之。下入惡道明受苦無窮也。

佛告彌勒菩薩諸天人等。我今語汝世間之事。人用是故。
○坐不得道。當熟思計。遠離衆惡。擇其善者勤而行之。
○愛欲榮華。不可常保。皆當別離。無可樂者。遇佛在
世。當勤精進。其有至願生安樂國者。可得智慧明達。
功德殊勝。勿得隨心所欲。虧負經戒。在人後也。儻有
疑意不解經者。可具問佛。當為說之。

我今語汝世間之事以下。第二勸物修出離善段。就中有四段。
從此下正舉善勸之。曼之意及。及佛在世有諮詢之也。故須
勤修。勿在人後者。明造惡墮三趣苦之失。儻有疑意。儻之
意設。設有疑心不解。可問佛也。

彌勒菩薩長跪白言。佛威神尊重所說快善聽佛經語。貫心思之。世人實爾。如佛所言。今佛慈愍。顯示大道。耳目開明。長得度脫。聞佛所說。莫不歡喜。諸天人民。蠕動之類。皆蒙慈恩解脫憂苦。佛語教戒。甚深甚善。智慧明見八方上下去來今事莫不究暢。今我衆等。所以蒙得度脫。皆佛前世求道之時。謙苦所致。恩德普覆。福祿巍巍。光明澈照。達空無極。開入泥洹。教授典攬。威制消化。感動十方。無窮無極。佛為法王。尊超衆聖。普為一切天人之師。隨心所願。皆令得道。今得值佛。復聞無量壽聲。靡不歡喜。心得開明。

彌勒長跪以下。第二領解舉益。彰佛德明。由佛前世修菩薩道時。廣同法界。今得成佛。慈悲出世。化度我等也。恩德普覆。成出世之益。福祿巍巍。彰佛威德高遠也。

佛告彌勒。汝言是也。若有慈敬於佛者。實為大善。天下久久。乃復有佛。今我於此世作佛。演說經法。宣布道教。斷諸疑網。拔愛欲之本。杜衆惡之源。遊步三界。無所罣礙。典攬智慧。衆道之要。執持綱維。昭然分明。開示五趣。度未度者。決正生死泥洹之道。

從佛告下。第三勸生齊信心。消文易見。但典攬智慧。執持綱維。明如來化物得益。發生真語。昭然分明。得理在懷。開

示五趣。明慈悲被下。決正生死。明其離苦。泥洹之道。明其獲出世之益也。

彌勒當知。沒從無數劫來。修菩薩行。欲度衆生。其已久遠。從沒得道至於泥洹。不可稱數。沒及十方諸天人民。一切四衆。永劫已來。展轉五道。憂畏勤苦。不可具言。乃至今世。生死不絕。與佛相值。聽受經法。又復得聞無量壽佛。快哉甚善。吾助爾喜。沒今亦可自厭生死。老病痛苦。惡露不淨。無可樂者。宜自決斷。端身正行。益作諸善。修己潔淨。洗除心垢。言行忠信。表裏相應。人能自度。轉相拯濟。精明求願。積累善本。雖

一世勤苦。湏臾之間。後生無量壽國。快樂無極。長與道
德合明。永拔生死根本。無復貪恚愚癡苦惱之患。欲壽
一劫百劫千億萬劫。自在隨意皆可得之。無爲自然。次
於泥洹之道。汝等宜各精進。求心所願。無得疑惑中悔
。自爲過咎。生彼邊地七寶宮殿。五百歲中。受諸厄也
。彌勒白言。受佛重誨。專精修學。如教奉行。不敢有
疑。

彌勒當知下。第四擊起時情執。彌勒同修。有二。初舉精進
與懈怠在前。後勸自願勤修。次從無得以下。重誠勅勸斷疑
惑也。此中先誠斷惑。明懷疑生邊地。離佛前遠至五百歲。

華不開。不開且不得自在至十方供養諸佛。次從白佛。不敢有疑下明順教舉旨也。

佛告彌勒。沒等能於此世。端心正意。不作衆惡。甚爲至德。十方世界最無倫匹。所以者何。諸佛國土。天人之類。自然作善。不大爲惡。易可開化。

第二明善惡相形中有二。第一將欲明惡。先明持戒者爲善。
歎爲希有第一。從今我於此世間作佛下去。正明五惡。能於此世端心正意者。明其持戒。最無倫匹者。成其希有之歎也。明他土中多有勝緣。又復善報強勝。作善爲易。此土無此二緣。修善即難。故名希有也。

今我於此世間作佛。處於五惡五痛五燒之中為最劇苦。
教化羣生。令捨五惡。令去五痛。令離五燒。降化其意。
令持五善。獲其福德度世長壽泥洹之道。佛言。何等
五惡。何等五痛。何等五燒。何等消化五惡。令持五善
。獲其福德。度世長壽泥洹之道。

明五惡中有三。初者總明。其一惡者以下。一一別明。佛語
彌勒。吾語汝等以下。總舉三毒之過。勅離過修善。五惡者。
一殺二盜三邪淫四妄語五飲酒。損五戒善。故名惡也。五痛
五燒明其苦果。由惡故燒。由燒故痛。何故但明此五。由世
人喜造。故偏彰也。為最劇苦者。此明說五戒對治。降化其
意者。悌心入道。令持五善者。順教修行。獲其福德者。舉

遠近二果。成其行也。

其一惡者。諸天人民蠕動之類。欲爲衆惡。莫不皆然。強者伏弱。轉相剝賊。殘害殺戮。迭相吞噬。不知修善。惡逆無道。後受殃罰。自然趣向。神明記識。犯者不赦。故有貧窮下賤。乞丐孤獨。聾盲瘡痘。愚癡弊惡。至有尪狂不逮之屬。又有尊貴豪富。高才明達。皆由宿世慈孝。修善積德所致。

明五惡中列皆有二。先明其道。譬如大火下。勸修持戒善以滅惡之。就惡中有二。先明惡因。從世有常道以下。明其三報苦果。就因中。先明作惡人。欲為眾惡以下。明其所造惡。

噬之意噉也。又尋強剛。舉其惡果。成上惡因。神明記識者。名籍先定不蹉跌也。一切眾生皆有二神。一名同生。二名同名。同生女在右肩上。書其作惡。同名男在左肩上。書其作善。四天善神一月六反錄其名籍奏上大王。地獄亦然。一月六齊。一歲三覆。一載八校。使不差錯。故有犯者不赦也。貧窮下賤。明人中餘報。又有尊貴。舉得彰失。

世有常道。王法牢獄。不肯畏慎。為惡入罪。受其殃罰。求望解脫。難得勉出。世間有此目前現事。壽終後世。尤深尤劇。入其幽冥。轉生受身。譬如王法。痛苦極形。故有自然三塗。無量苦惱。轉貿其身。改形易道。所受壽命或長或短。魂神精識自然趣之。當獨值向。相

從共生。更相報復。無有止已。殃惡未盡。不得相離。
展轉其中。無有出期。難得解脫。痛不可言。天地之間。
自然有是。雖不即時卒暴應至。善惡之道。會當歸之。
是為一大惡一痛一燒。勤苦如是。

世有常道下。三報。至世間有此目前現事者。舉其現報。壽
終之至尤劇。彰其生報。轉生受身。此明後報。譬如王法者
引喻況。報輕在前。重苦在後。如似王法。治罪先杻械。詣
市殺之。先現報。後入地獄。故云極刑三塗無量苦惱者。出
後報之重。此法消文易見。

譬如大火焚燒人身。人慄於中一心制意。端身正行。獨

作諸善。不爲衆惡者。身獨度脫。獲其福德。度世上天泥洹之道。是爲一大善也。

譬如下舉持戒對之勸也。

佛言。其二惡者。世間人民。父子兄弟。室家夫婦。都無義理。不順法度。奢姪惰縱。各欲快意。任心自恣。更相欺惑。心口各異。言念無實。佞諂不忠。巧言諛媚。嫉賢謗善。陷入怨枉。主上不明。任用臣下。臣下自在。機偽多端。踐度能行。知其形勢。在位不正。爲其所欺。妄損忠良。不當天心。臣欺其君。子欺其父。兄弟夫婦。中外知識。更相欺誑。各懷貪欲。瞋恚愚癡。

欲自厚己。欲貪多有。尊卑上下。心俱同然。破家亡身。
不顧前後。親屬内外。坐之滅族。或時室家。知識。
鄉黨市里。愚民野人。轉共從事。更相利害。忿成怨結。
富冇慳惜。不肯施與。愛保貪重。心勞身苦。如是至
竟。無所恃怙。獨來獨去。無一隨者。善惡禍福。追命
所生。或在樂處。或入苦毒。然後乃悔。當復何及。世
間人民。心愚少智。見善憎謗。不思慕及。但欲爲惡。
妄作非法。常懷盜心。慒望他利。消散磨盡。而復求索。
邪心不正。懼人有色。不豫思計。事至乃悔。今世現
有。王法牢獄。隨罪趣向。受其殃罰。因其前世。不信
道德。不修善本。今復爲惡。天神剋識。別其名籍。壽

終神逝。下入惡道。故有自然三塗無量苦惱展轉其中。
世世累劫無有出期。難得解脫。痛不可言。是為二大惡。

。二痛二燒。勤苦如是。

盜惡列有三。初作惡中有二。如上世間人民者。明作惡人。
都無義理。明所作惡。明貪狼之人無謙讓。自下可見。但云
心口各異者。口便規度。意念無實者。當面說善。情欲規度。
主上不明。任用臣下者。宰相之宦縱放臣下。用取萬民賄。
枉取人物。踐度能行。知其形勢者。※情因公脅私。在位不正者。
惟過者主由內不明。致有侵損。不當天心者。明造惡。不順善之
心。無一隨者。神識孤遊。戲財留在自界。今世現有王法下。彰
三報苦。自然三塗。明生報苦。展轉其中下。明其後報。

譬如大火焚燒人身。人能於中一心制意。端身正行。獨作諸善。不為衆惡者。身獨度脫。獲其福德。度世上天泥洹之道。是為二大善也。

譬如下。舉善對之也。

佛言。其三惡者。世間人民。相因寄生。共居天地之間。處年壽命。無能幾何。上有賢明長者尊貴豪富。下有貧窮斯賤尪劣愚夫。中有不善之人常懷邪惡。但念姪泆。煩滿胸中。愛欲交亂。坐起不安。貪意守惜。但欲唐得。昞昧（斜看）細色。邪態外逸。自妻厭憎。私妾出入。費損家財。事為非法。交結聚會。興師相伐。攻劫殺

戮。強奪無道。惡心在外。不自修業。盜竊趣得。欲擊成事。恐勢迫脅。歸給妻子。恣心快意。極身作樂。或於親屬。不避尊卑。家室中外。患而苦之。亦復不畏。王法禁令。如是之惡著於人鬼。日月照見。神明記識。故有自然三塗。無量苦惱。展轉其中。世世累劫。無有出期。難得解脫。痛不可言。是為三大惡三痛三燒勤苦。如是。

明邪淫惡亦列前。世間人民明作惡人。相因寄生者。由過去。或作善知識香火因緣。相託以為眷屬也。但念姪姝下。明造惡相也。亦復不畏下。明現報。自然下。明後生報也。

譬如大火焚燒人身。人能於中。一心制意。端身正行。獨作諸善。不為衆惡者。身獨度脫。獲其福德。度世上天泥洹之道。是為三大善也。

案此舉善對之也。

佛言。其四惡者。世間人民。不念修善。轉相教令。共為衆惡。兩舌惡口。妄言綺語。讒賊鬭亂。憎嫉善人。敗壞賢明。於傍快喜。不孝二親。輕慢師長。朋友無信。難得誠實。尊貴自大。謂己有道。橫行威勢。侵易於人。不能自知。為惡無恥。自以強健。欲人敬難。不畏天地。神明日月不肯作善。難可降化。自用偃蹇。謂可常

爾。無所憂懼。常懷嶠慢。如是衆惡。天神記識。賴其前世。頗作福德。小善扶接。營護助之。今世爲惡。福德盡滅。諸善鬼神。各去離之。身獨空立。無所依。壽命終盡。諸惡所歸。自然迫促。共趣奪之。又其名籍。記在神明。殃咎牽引當注趣向。罪報自然。無從捨離。但得前行。入於火鑊。身心摧碎。精神痛苦。當斯之時。悔復何及。天道罔然。不得蹉跌。故有自然三塗無量苦惱。展轉其中。世世累劫。無有出期。難得解脫。痛不可言。是爲四大惡。四痛四燒。勤苦如是。

明妄語惡亦列前。轉相教令。明作惡之人。兩舌惡口下。明

所作惡。憎嫉善人。明惡口。讒賊鬪亂。明兩舌。敗壞賢明。
明妄語。於傍快喜。明綺語。不孝二親。明作惡人造逆。朋
友無信。明其不忠。成上妄語。尊貴自大。成其惡口。謂已
有道。成其兩舌。不畏天地神明日月。廣明自隱儻難化也。
賴其前世。賴之意蒙。頗作福德。頗之意少。蒙前身少作善
故。今世善神護之。助彼作惡不息。善神捨去。壽命下去明
其三報。先明現報。明其惡相來現。依其往因。趣向受果。
果自然先因後果。現無蹉跌。天道自然者。云明故有自然三
塗也。次生後報可知也。

譬如大火焚燒人身。人能於中一心制意。端身正行。獨
作諸善。不為衆惡。身獨度脫。獲其福德。度世上天泥

洹之道。是為四大善也。

案此舉善對之也

佛言。其五惡者。世間人民。徒倚懈惰。不肯作善。治身修業。家室眷屬。飢寒困苦。父母教誨。瞋目怒應。言令不和。違戾反逆。譬如怨家。不如無子。取與無節。衆共患厭。負恩違義。無有報償之心。貧窮困乏。不能渡得。辜較縱奪。放恣遊散。串數唐得。用自賑給。耽酒嗜美。飲食無度。肆心蕩逸。魯扈抵突。不識人情。強欲抑制。見人有善。妬嫉惡之。無義無禮。無所顧難。自用識當。不可諫曉。六親眷屬。所資有無。不能

憂念。不惟父母之恩。不存師友之義。心常念惡。口常言惡。身常行惡。曾無一善。不信先聖諸佛經法。不信行道可得度世。不信死後神明更生。不信作善得善。為惡得惡。欲殺真人。鬪亂衆僧。欲害父母。兄弟眷屬。六親憎惡。願令其死。如是世人。心意俱然。愚癡蒙昧。而自以智慧。不知生所從來。死所趣向。不仁不順。惡逆天地。而於其中慒望僥倖。欲求長生。會當歸死。慈心教誨。令其念善。開示生死。善惡之趣。自然有是。而不肯信之。苦心與語。無益其人。心中閉塞。意不開解。大命將終。悔懼交至。不豫修善。臨窮方悔。悔之於後。將何及乎。天地之間。五道分明。恢廓窈冥。

浩浩茫茫。善惡報應。禍福相承。身自當之。無誰代者。
數之自然。應期所行。殃咎追命。無得從捨。善人行
善。從樂入樂。從明入明。惡人行惡。從苦入苦。從冥
入冥。誰能知者。獨佛知耳。教語開示。信用者少。生
死不休。惡道不絕。如是世人。難可具盡。故有自然三
塗。無量苦惱。展轉其中。世世累劫。無有出期。難得
解脫。痛不可言。是為五大惡。五痛五燒。勤苦如是。

明第五惡。世間人民徙倚。明作惡之人。不肯作善。明所作
惡。消文可見。天地之間下。彰其三報苦。恢廓者明其寬曠。
窈窕明其深遠。浩浩茫茫成上寬曠。

譬如大火焚燒人身。人慄於中。一心剝意。端身正念。
言行相副。所作至誠。所語如語。心口不轉。獨作諸善。
不爲衆惡。身獨度脫。獲其福德。度世上天泥洹之道。
是爲五大善也。

譬如下舉善明之。可見也。

佛告彌勒。吾語汝等。是世五惡。勤苦若此。五痛五燒。
展轉相生。但作衆惡。不修善本。皆悉自然。入諸惡趣。
或其今世。先被殃病。求死不得。求生不得。罪惡所招。
示衆見之。身死隨行入三惡道。苦毒無量。自相燋然。
至其久後。共作怨結。從小激起。遂成大惡。皆

由貪著財色。不能施惠。癡欲所迫。隨心思想。煩惱結
縛。無有解已。厚己諍利。無所省錄。富貴榮華。當時
快意。不能忍辱。不務修善。威勢無幾。隨以磨滅。身
坐勞苦久後大劇。天道施張。自然糺舉。綱維羅網。上
下相應。熒熒忪忪。當入其中。古今有是。痛哉可傷。

第三段有二。初舉過勸斷。二從佛言汝今諸天人民下。舉善
勸之。就初有二。初舉三毒勸斷。二從世間如是佛皆哀之下。
明順教斷惡。終獲出離。是世五惡者。牒上眾過勸識其因。
展轉相生者。明三毒不除。惡惡不絕。苦果不息。或其今世
先被殃病。明現報。身死隨行明其生報。從少微起者。明其
本報。或貪財或貪皮肉。故云從少微起。皆由貪著下出三毒

之過。貪著榮華貪現在樂。造惡身坐勞苦。明其苦身。久後大劇。明其三報之苦。天地施張。明諸天記。閻羅又識也。

佛語彌勒。世間如是。佛皆哀之。以威神力。摧滅衆惡。悉令就善。棄捐所思。奉持經戒。受行道法。無所違失。終得度世泥洹之道。

佛語下。順教獲利。可解。

佛言。汝今諸天人民。及後世人。得佛經語。當熟思之。能於其中。端心正行。主上為善。率化其下。轉相勅令。各自端守。尊聖敬善。仁慈博愛。佛語教誨。無敢虧負。當求度世。拔斷生死衆惡之本。當離三塗無量憂

怖苦痛之道。沒等於是。廣植德本。布恩施惠。勿犯道
禁。忍辱精進。一心智慧。轉相教化。為德立善。正心
正意。齋戒清淨。一日一夜。勝在無量壽國為善百歲。
所以者何。波佛國土。無為自然。皆積衆善。無毛髮之
惡。於此修善十日十夜。勝於他方諸佛國中為善千歲。
所以者何。他方佛國。為善者多。為惡者少。福德自然
。無造惡之地。唯此間多惡。無有自然。勤苦求欲。轉
相欺給。心勞形困。飲苦食毒。如是惡務。未嘗寧息。
吾哀沒等。天人之類。苦心誨喻。教令修善。隨宜開導
。授與經法。莫不承用。在意所願。皆令得道。佛所遊
履。國邑丘聚。靡不蒙化。天下和順。日月清明。風雨

以時。災厲不起。國豐民安。兵戈無用。崇德興仁。務修禮讓。佛言。我哀愍汝等。諸天人民。甚於父母念子。今我於此世作佛。降化五惡。消除五痛。絕滅五燒。以善攻惡。拔生死之苦。令獲五德。升無為之安。吾去世後。經道漸滅。人民詔偽。復為衆惡。五燒五痛。還如前法。久後轉劇。不可悉說。我但為汝。略言之耳。佛語彌勒。汝等各善思之。轉相教誡。如佛經法。無得犯也。於是彌勒菩薩合掌白言。佛所說甚善。世人實爾。如來普憇哀愍。悉令度脫。受佛重誨。不敢違失。

汝今諸天世人下。舉善勸修。文有二。初勸自行外化。佛語彌勒下。明重誡。正先誡。後彌勒舉。旨可知也。

佛告阿難。汝起更整衣服。合掌恭敬。禮無量壽佛。十方國土。諸佛如來。常共稱揚讚歎波佛無著無礙。

第三明現土文中。有二段。初正現土。使人欣慕。上雖耳聞說美土。未如眼見。故此下現土令各慕修也。此中有五。初明如來告侍者令請。

於是阿難起整衣服。正身西面。恭敬合掌。五體投地。禮無量壽佛。白言。世尊。願見波佛安樂國土。及諸菩薩聲聞大眾。說是語已。

二侍者起整服致請。

即時無量壽佛放大光明。普照一切諸佛世界。金剛圍山
湧彌山王。大小諸山。一切所有。皆同一色。譬如劫水
。彌滿世界。其中萬物。沉沒不現。溟渤浩汗。唯見大
水。波佛光明。亦復如是。聲聞菩薩。一切光明。皆悉
隱蔽。唯見佛光。明耀顯赫。爾時阿難。即見無量壽佛
。威德巍巍。如湧彌山王。高出一切諸世界上。相好光
明靡不照耀。此會四衆。一時悉見。波見此土。亦復如
是。

三即時下。正明放光現土。

爾時。佛告阿難。及慈氏菩薩。汝見波國。從地已上至淨居天。其中所有微妙嚴淨自然之物。為悉見不。阿難對曰。唯然。已見。汝寧復聞無量壽佛。大音宣布。一切世界化衆生不。阿難對曰。唯然。已聞。波國人民乘百千由旬七寶宮殿。無所障礙。遍至十方供養諸佛。汝復見不。對曰。已見。波國人民。有胎生者。汝復見不。對曰。已見。其胎生者。所處宮殿。或百由旬。或五百由旬。各於其中。受諸快樂。如忉利天上。亦皆自然。

四從佛告阿難下。審其見不。

爾時慈氏菩薩白佛言。世尊。何因何緣波國人民。胎生化生。佛告慈氏。若有衆生。以疑惑心修諸功德。願生波國。不了佛智。不思議智。不可稱智。大乘廣智。無等無倫最上勝智。於此諸智。疑惑不信。然猶信罪福。修習善本。願生其國。此諸衆生。生波宮殿。壽五百歲。常不見佛。不聞經法。不見菩薩聲聞聖衆。是故於波國土。謂之胎生。若有衆生。明信佛智。乃至勝智。作諸功德。信心迴向。此諸衆生。於七寶華中。自然化生。跏趺而坐。湧臾之頃。身相光明。智慧功德。如諸菩薩。具足成就。復次慈氏。他方諸大菩薩。發心欲見無量壽佛。恭敬供養。及諸菩薩。聲聞聖衆。波菩薩等。

命終得生無量壽國。於七寶華中。自然化生。

五從慈氏白佛下。明問除疑惑。問中有二。一問問胎生。二問問化生。後答。佛先答胎生。後答化生。若有眾生。以疑惑心者。出其感胎生之緣。修諸功德。出其往生之因。願生故往生。由疑受胎疑惑佛智者。出疑體。於佛五種智懷疑不信故。見佛奢致使受五百歲中華不即開故名胎生。不了佛智。謂如來智。無有邊畔。不可稱智。謂無有限局。大乘廣智。謂無照境不取。最上勝智。謂照同凡境。若有眾生明信佛智下。答化生。先出其信。明信無疑。便於七寶華下。明化生果。他方以下。類同勸生也。

彌勒當知。波化生者。智慧勝故。其胎生皆無智慧。於

五百歲中。常不見佛。不聞經法。不見菩薩諸聲聞衆。
無由供養於佛。不知菩薩法式。不得修習功德。當知此
人宿世之時。無有智慧。疑惑所致。佛告彌勒。譬如轉
輪聖王。有七寶牢獄種種莊嚴。張設牀帳懸諸繪蓋。若
有諸小王子。得罪於王。輒內波獄中。繫以金鎖。供養
飯食。衣服牀蓐。華香妓樂。如轉輪王。無所乏少。於
意云何。此諸王子寧樂波處不。對曰。不也。但種種方
便求諸大力。欲自勉出。佛告彌勒。此諸衆生。亦復如
是。以疑惑佛智故。生彼七寶宮殿。無有刑罰。乃至一
念惡事。但於五百歲中不見三寶。不得供養。修諸善本
。以此為苦。雖有餘樂。猶不樂波處。若此衆生識其本

罪。深自悔責。求離波處。即得如意。往詣無量壽所。恭敬供養。亦得遍至無量無數諸餘佛所。修諸功德。彌勒當知。其有菩薩生疑惑者。為失大利。是故應當明信諸佛無上智慧。

彌勒當知下。結其得失。初重舉上二生。譬如下。作譬顯勝劣。轉輪王喻無量壽佛。七寶宮室喻其淨土。王子得罪喻疑心之人。過金鎖喻華不開。牀褥不異喻於華中受快樂自在。合喻可知。深自悔責者。明不必一種。若能悔即出。不悔必滿五百歲。是故下。結勸也。

彌勒菩薩白佛言。世尊。於此世界。有幾所不退菩薩。

生波佛國。佛告彌勒。於此世界。六十七億不退菩薩。
注生波國。一一菩薩。已曾供養無數諸佛。次如彌勒者
也。諸小行菩薩。及修習少功德者。不可稱計。皆當注
生。佛告彌勒。不但我刹諸菩薩等注生波國。他方佛土
亦復如是。其第一佛名曰遠照。波有百八十億菩薩。皆
當注生。其第二佛名曰寶藏。波有九十億菩薩。皆當注
生。其第三佛名曰無量音。波有二百二十億菩薩。皆當
注生。其第四佛名曰甘露味。波有二百五十億菩薩。皆
當注生。其第五佛名曰龍勝。波有十四億菩薩。皆當注
生。其第六佛名曰勝力。波有萬四千菩薩。皆當注生。
其第七佛名曰師子。波有五百億菩薩。皆當注生。其第

八佛名曰離垢光。波有八十億菩薩。皆當注生。其第九
 佛名曰德首。波有六十億菩薩。皆當注生。其第十佛名
 曰妙德山。波有六十億菩薩。皆當注生。其第十一佛名
 曰人王。波有十億菩薩。皆當注生。其第十二佛名曰無
 上華。波有無數不可稱計諸菩薩衆。皆不退轉。智慧勇
 猛。已曾供養無量諸佛。於七日中。即能攝取百千億
 劫。大士所修堅固之法。斯等菩薩。皆當注生。其第十
 三佛名曰無畏。波有七百九十億大菩薩衆。諸小菩薩及
 比丘等。不可稱計。皆當注生。佛語彌勒。不但此十四
 佛國中諸菩薩等。當注生也。十方世界無量佛國。其注
 生者。亦復如是甚多無數。我但說十方諸佛名號。及菩

薩比丘生波國者。晝夜一劫尚未能盡。我今爲汝略說之耳。

彌勒白佛下。現土中第二問。往生多少。意欲勸物同此流勝。
必取往生。上示往生方法中。但導三輩不廣彰大士。今此下
廣明十四佛土皆有往生之人。不但三輩。但使有善。皆可往也。

佛告彌勒。其有得聞。波佛名號。歡喜踊躍。乃至一念
。當知此人。爲得大利。則是具足無上功德。是故彌勒
。設有大大充滿三千大千世界。要當過此。聞是經法。
歡喜信樂。受持讀誦。如說修行。所以者何。多有菩薩
。欲聞此經而不能得。若有衆生。聞此經者。於無上道

。終不退轉。是故應當專心信受。持誦說行。吾今為諸衆生說此經法。令見無量壽佛。及其國土一切所有。所當為者。皆可求之。無得以我滅度之後。復生疑惑。

第三大段流通。二段如前。就初有四。第一歎經深遠。廣彰利益勸其受持。第二當來之世下。廣彰此經難值。第三如來興世下。舉眾難欲彰此法難聞。勸生敬仰。受持不忘。第四從爾時世尊下。時坐悟道得利。乃至一念即是具足無上功德者。明利深遠。一念至信。修行發願必生淨土。終得佛果。故云無上也。三千大千世界下。勸重法不辭眾苦。所以者何。下釋應不辭苦。是故下。結勸也。

當來之世。經道滅盡。我以慈悲哀愍。特留此經止住百歲。其有衆生值斯經者。隨意所願皆可得度。佛語彌勒。如來興世。難值難見。諸佛經道。難得難聞。菩薩勝法。諸波羅蜜。得聞亦難。遇善知識聞法能行。此亦為難。若聞斯經。信樂受持。難中之難。無過此難。是故我法。如是作。如是說。如是教。應當信順。如法修行。

如是說者。說其國土正報殊勝。如是教者。教修行願。如是作者。立其大志。如法修行者。勸其流通。舉教不違。

爾時世尊說此經法。無量衆生。皆發無上正覺之心。萬

二千那由他人。得清淨法眼。二十二億諸天人民。得阿
那含果。八十萬比丘漏盡意解。四十億菩薩。得不退轉。
以弘誓功德而自莊嚴。於將來世當成正覺。爾時三千
大千世界六種震動。大光普照。十方國土。百千音樂自
然而作。無量妙華芬芬而降。佛說經已。彌勒菩薩。及
十方來諸菩薩衆長老阿難。諸大聲聞。一切大衆靡不歡
喜。

第四段有二。初時悟道眾多少。無量妙華下。明感瑞證益。
後明聞見歡喜奉行也。

隋天台智者大師說
門人章安灌頂記

佛說阿彌陀經義記

南無本師釋迦牟尼佛（三稱）

開經偈

無上甚深微妙法
百千萬劫難遭遇
我今見聞得受持
願解如來真實義

佛說阿彌陀經義記

隋天台智者大師說
門人章安灌頂記

夫至聖垂慈。照機應迹。開導六道。普濟十方。逐境昇沈。
隨緣淨穢。斯則善權攝誘。引趣菩提。是故大覺彌陀。昔弘
誓力。應形極樂。現處道場。三輩願生。皆入定聚。色像殊
勝。壽量難思。寶樹天華。咸能演法。清風流水。俱說妙音。
聞唱苦空。證無生忍。釋迦聖主。本願弘深。不捨慈悲。化
茲穢境。五痛燒然。八苦煎逼。廣明誠勸。徧洽群品。示其
妙術。十念往生。四眾奉行。依教修觀。說有廣略時處不同。
靈鷲宣揚三種淨業。舍衛敷演六方護念。

佛說阿彌陀經

姚秦三藏法師鳩摩羅什譯

阿彌陀者天竺梵音。震旦譯言為無量壽。化主極號。以立嘉名。經者訓常。出聖人口。此即釋尊所說。語西方事。故言經也。即斯一教。在文雖約。明義實繁。總語西方安養國界。

第一釋名。從人標稱。依教修習。往生彼國。

第二辨體。法性真如。諦心觀察。證常樂果。

第三宗致。淨土機緣。妙樂莊嚴。化像迎攝。

第四力用。破除愛見。五住塵勞。正習俱盡。

第五教相。帶別挾通。生熟醍醐。總為教相也。

如是我聞。一時佛在舍衛國祇樹給孤獨園。與大比丘僧千二百五十人俱。皆是大阿羅漢衆所知識。

分文三段。序。正。流通。略無別序。通中具六。第一如是者。決定之辭。大聖觀機。為多瞋者。略說深妙。為多貪人。廣開祕密。為多無明者。處中而說。言不虛發。應物逗緣。第二我聞者。如來正法。無量無邊。我所得聞。猶如微滯。所不聞者。喻大海水。第三一時者。有感斯應。機悟之辰。即於會座。革凡成聖。第四佛者。正標化主。應供徧知。四辯六通。三明八解。一音演說。隨類開曉。第五在舍衛國者。此名聞物。多有名賢。又饒珍寶。覺徒商侶。諸國共臻。復名為無物不有。祇樹給孤獨園者。祇陀捨樹。創起門坊。須達賑貧。黃金布地。共立精舍也。第六與大比丘僧者。大義三種。天王大人所敬。故言為大。徧知內外經教。是故言多。超九十五上。故名為勝。比丘者。此言除餓。在因三義。乞

士。怖魔。破惡。果地三德。應供。殺賊。不生。僧者四人。已上。和合羯磨。事理無隔。匡維正教。千二百五十人俱者。三迦葉眾。共有一千。舍利目連。二百五十。常隨聖尊。為證信眾。

長老舍利弗。摩訶目犍連。摩訶迦葉。摩訶迦旃延。摩訶俱絺羅。離婆多。周利槃陀伽。難陀。阿難陀。羅睺羅。憍梵波提。賓頭盧頗羅墮。迦留陀夷。摩訶劫賓那。薄拘羅。阿菟樓駄。如是等諸大弟子。

長老舍利弗。智慧上首。翻鷲鷺子。大目犍連。神力標名。此翻讚誦。摩訶迦葉。此翻飲光。亦言大龜氏。又曰光波。摩訶迦旃延。善能清論。此翻扇繩。摩訶俱絺羅。辯才無滯。

此翻大膝。離婆多。翻為室宿。亦曰常作聲。周利槃陀伽。
此土翻譯曰小路邊生。難陀尊者。此翻欣樂。阿難陀者。翻
善欣悅。羅睺羅者此言障持。憍梵波提。譯曰牛跡。賓頭盧
頗羅墮。翻走閉門。迦留陀夷。翻大龐黑。劫賓那。翻為房
宿。薄拘羅者。翻曰善容。阿菟樓馱。翻為如意。

並諸菩薩摩訶薩。文殊師利法王子。阿逸多菩薩。乾陀
訶提菩薩。常精進菩薩。與如是等諸大菩薩。

文殊師利。此翻妙德。阿逸多者。翻無三毒。乾陀訶提。翻
為香意。常精進者。此土方言。如是等者。結菩薩眾。

及釋提桓因等。無量諸天大衆俱。

釋提桓因。翻能天主。等諸天眾。總結同聞。列眾序竟。
爾時佛告長老舍利弗。從是西方過十萬億佛土。有世界
名曰極樂。其土有佛。號阿彌陀。今現在說法。

正說為二。初明彼佛依正二果。次勸物往生。初復為二。前
標次釋。前標國界。後明化主。此經命章對舍利弗。餘經皆
有請主。此經無問自說。十二部中。亦不具足。無兩種偈。
其餘諸部。亦不全有。不對菩薩。告聲聞者。適化無方。欲
令凡夫小乘。厭此欣彼也。標依果中。前明近遠。從是西方
過十萬億佛土。有國名極樂。望賢首猶是下品。但比娑婆。
故言極樂。彼有三名。極樂對苦。安養從用。無量壽國者。
逐人名國。次出正果。號阿彌陀。既云觀音補處。其實有量。

以餘人不能稱數。下地不知。說無量耳。

舍利弗。波土何故名為極樂。其國衆生。無有衆苦。但受諸樂。故名極樂。

彼土何故下。解釋前明依果有三。初總。次別。後結。初總如文。

又舍利弗。極樂國土。七重欄楯。七重羅網。七重行樹。皆是四寶周匝圍繞。是故波國名為極樂。又舍利弗。極樂國土。有七寶池。八功德水。充滿其中。池底純以金沙布地。四邊階道。金銀瑠璃玻瓈合成。上有樓閣。亦以金銀瑠璃玻瓈磚瓦嚴飾之。池中蓮華。

大如車輪。青色青光。黃色黃光。赤色赤光。白色白光。
。微妙香潔。舍利弗。極樂國土。成就如是功德莊嚴。

七重行樹下。別釋有四。一明寶樹池樓閣奇麗。二明天華天
樂。映顯莊飾。三明鳥宣道品。四樹奏樂音。其樹七重。皆
是四寶金銀瑠璃玻璃等寶。七重羅網。七重行樹。微風徐動。
暢發和音。聞此聲時。即入正位。八功德水。充滿盈溢。輕
清冷軟。美而不臭。飲時調適。飲已無患。底布金沙。四面
階道。四寶合成。池中蓮華。大如車輪。光色炫燿。微妙香
潔。上有樓閣。亦以四寶而嚴飾之。

又舍利弗。波佛國土。常作天樂。黃金爲地。晝夜六時
。雨天曼陀羅華。其土衆生。常以清旦。各以衣械盛衆

妙華。供養他方十萬億佛。即以食時。還到本國。飯食
經行。舍利弗。極樂國土。成就如是功德莊嚴。

二明天樂。不撫而韻。絃出無量法化之聲。聽發慈心。聞便
悟道。晝夜六時雨曼陀羅。天華至妙。名曼陀羅。色妙無比。
香氣芬馥。常以清旦。衣襍盛華。供養他方十萬億佛。即以
食時還到本國。衣襍是盛華器。形如函蓋。而有一足。手擎
供養。

復次舍利弗。波國常有種種奇妙雜色之鳥。白鶴。孔雀
。鸚鵡。舍利。迦陵頻伽。共命之鳥。是諸衆鳥。晝夜
六時。出和雅音。其音演暢五根。五力。七菩提分。八

聖道分。如是等法。其土衆生。聞是音已。皆悉念佛念法念僧。舍利弗。汝勿謂此鳥實是罪報所生。所以者何。波佛國土無三惡道。舍利弗。其佛國土。尚無惡道之名。何況有實。是諸衆鳥。皆是阿彌陀佛。欲令法音宣流。變化所作。

三雜色之鳥。白鶴。孔雀。鸚鵡。舍利。亦如此間水禽之類。

迦陵頻伽。妙音清高。可譬佛聲。共命。兩頭而同一體。生死齊等。故曰共命。此等眾鳥。晝夜六時。演暢五根。五力。七覺。八道。妙音和雅。即道品中法門名義。初五根者。信。進。念。定。慧。次明五力。名不異前。根生有力。別更號力。七菩提分。念。擇。進。喜。輕。捨。定等。八正道分。

正見。正思。正語。正業。正命。正進。正念。正定。善修道品。即得見諦至於無學。勿謂此鳥罪報所生。皆是彼佛。欲令法音宣流。變化所作。

舍利弗。波佛國土。微風吹動諸寶行樹。及寶羅網。出微妙音。譬如百千種樂。同時俱作。聞是音者。自然皆生念佛念法念僧之心。舍利弗。其佛國土。成就如是功德莊嚴。

四明七重行樹。及寶羅網妙音。譬如百千種樂。同時俱作。自然皆生念佛念法念僧之心。悟無生忍。怡然快樂。

舍利弗。於汝意云何。波佛何故號阿彌陀。舍利弗。波

佛光明無量。照十方國。無所障礙。是故號爲阿彌陀。
又舍利弗。波佛壽命。及其人民。無量無邊阿僧祇劫。
故名阿彌陀。舍利弗。阿彌陀佛。成佛已來。於今十
劫。

次辨正果。文復有二。前明化主。次辨徒眾。化主又二。初
辨光明無量。次述壽命無限。大品云。欲得光明無量。壽命
無極。當學般若。

又舍利弗。波佛有無量無邊聲聞弟子。皆阿羅漢。非是
算數之所能知。諸菩薩衆。亦復如是。舍利弗。波佛國
土。成就如是功德莊嚴。

就次徒眾。前辨聲聞。次明菩薩。

又舍利弗。極樂國土。衆生生者。皆是阿鞞跋致。其中多有一生補處。其數甚多。非是算數所能知之。但可以無量無邊阿僧祇說。

問。前云有無數聲聞。後何得云眾生生彼國者。皆是阿鞞跋致。解云。彼土二乘。亦皆不退。二乘不退為凡夫。菩薩不退為小乘也。

舍利弗。衆生聞者。應當發願。願生波國。所以者何。得與如是諸上善人。俱會一處。

從眾生聞者下。第二勸物往生。有三。初正勸往生。次引證

勸。三結勸。初中二。初正勸。次釋勸意。就初又二。初正勸。次示往生方法。

舍利弗。不可以少善根福德因緣。得生波國。舍利弗。若有善男子。善女人。聞說阿彌陀佛。執持名號。若一日。若二日。若三日。若四日。若五日。若六日。若七日。一心不亂。其人臨命終時。阿彌陀佛與諸聖衆。現在其前。是人終時。心不顛倒。即得往生阿彌陀佛極樂國土。

舍利弗以少善下。次示方法。問。前云不可以少善。後何云一日七日。心不散亂。皆得往生。答。今不以時日為多少。

特由用心厚薄耳。若能七日一心不亂。其人命終。阿彌陀佛以宿願力。化佛迎接。心不顛倒。即得往生。何以故。臨終一念。用心懇切。即當得去也。

舍利弗。我見是利。故說此言。若有衆生聞是說者。應當發願。生彼國土。

我見是利。即是釋意。應當發願。一心修行。發願莊嚴。行願相扶。必當得往生也。

舍利弗。如我今者。讚歎阿彌陀佛不可思議功德之利。東方亦有阿閦佛。湏彌相佛。大湏彌佛。湏彌光佛。妙音佛。如是等恆河沙數諸佛。各於其國。出廣長舌相。

。遍覆三千大千世界。說誠實言。沒等衆生。當信是稱讚不可思議功德。一切諸佛所護念經。舍利弗。南方世界。有日月燈佛。名聞光佛。大燄肩佛。湧彌燈佛。無量精進佛。如是等恆河沙數諸佛。各於其國。出廣長舌相。遍覆三千大千世界。說誠實言。沒等衆生。當信是稱讚不可思議功德。一切諸佛所護念經。舍利弗。西方世界。有無量壽佛。無量相佛。無量幢佛。大光佛。大明佛。寶相佛。淨光佛。如是等恆河沙數諸佛。各於其國。出廣長舌相。遍覆三千大千世界。說誠實言。沒等衆生。當信是稱讚不可思議功德。一切諸佛所護念經。舍利弗。北方世界。有燄肩佛。最勝音佛。難沮佛。日

生佛。網明佛。如是等恆河沙數諸佛。各於其國。出廣長舌相。遍覆三千大千世界。說誠實言。沒等衆生。當信是稱讚不可思議功德。一切諸佛所護念經。舍利弗。下方世界。有師子佛。名聞佛。名光佛。達摩佛。法幢佛。持法佛。如是等恆河沙數諸佛。各於其國。出廣長舌相。遍覆三千大千世界。說誠實言。沒等衆生。當信是稱讚不可思議功德。一切諸佛所護念經。舍利弗。上方世界。有梵音佛。宿王佛。香上佛。香光佛。大燄肩佛。雜色寶華嚴身佛。娑羅樹王佛。寶華德佛。見一切義佛。如湧彌山佛。如是等恆河沙數諸佛。各於其國。出廣長舌相。遍覆三千大千世界。說誠實言。沒等衆生。

。當信是稱讚不可思議功德。一切諸佛所護念經。

如我今者下。引證勸。非我獨歎彼依正。勸物往生。六方諸佛。皆悉勸發。稱揚讚歎。恆河沙數。各於其土。往生彼國。

舍利弗。於汝意云何。何故名爲一切諸佛所護念經。舍利弗。若有善男子。善女人。聞是經受持者。及聞諸佛名者。是諸善男子。善女人。皆爲一切諸佛之所護念。皆得不退轉於阿耨多羅三藐三菩提。是故舍利弗。汝等皆當信受我語。及諸佛所說。

若男女聞是經名。皆為諸佛共所護念。皆得不退無上菩提心。故汝等當信我語。及諸佛說。

舍利弗。若有人已發願。今發願。當發願。欲生阿彌陀佛國者。是諸人等。皆得不退轉於阿耨多羅三藐三菩提。於波國土。若已生。若今生。若當生。是故舍利弗。諸善男子。善女人。若有信者。應當發願生波國土。

發願欲生。皆不退轉。往生彼國。

舍利弗。如我今者。稱讚諸佛不可思議功德。波諸佛等亦稱讚我不可思議功德。而作是言。釋迦牟尼佛。能為甚難希有之事。能於娑婆國土。五濁惡世。劫濁。見濁。煩惱濁。衆生濁。命濁中。得阿耨多羅三藐三菩提。為諸衆生。說是一切世間難信之法。舍利弗。當知我於

五濁惡世。行此難事。得阿耨多羅三藐三菩提。為一切世間。說此難信之法。是為甚難。

彼諸佛等。亦稱釋迦能為難事。於娑婆雜惡五濁境界。為諸眾生說難信之法。當得菩提。穢國障深。五濁垢重。貪瞋是煩惱濁。五見為見濁。一濁為本。攬此作因。得有連持之命。

而於五陰假立眾生。此四經時。名為劫濁。穢國苦多。其濁極重。同居淨土。其濁即輕。因順餘方。有其名字。無此迫惱。號極樂耳。

佛說此經已。舍利弗及諸比丘。一切世間天人阿修羅等。聞佛所說。歡喜信受。作禮而去。

佛說經已下。即流通段。說經既竟。四眾天人修羅等類。歡喜信受。聖主難遇。若優曇華。慶今得見。正法難聞而今聞。昔所未悟而今得悟。具此三喜。是故欣悅。得之於懷。踊躍無量也。

阿彌陀經義記

朝念佛暮念佛
求生西方莫蹉跎
千聲佛萬聲
佛有口無心
白錯過

曉溪平齋

如來是真語者實語
者如語者不誑語者
不異語者欲真心修
道者得之依教奉行
可以入門矣



淨空
學牛

南無本師釋迦牟尼佛（三稱）

開經偈

無上甚深微妙法

百千萬劫難遭遇

我今見聞得受持

願解如來真實義

是心是佛
是心作佛



覺仁老和尚句

現在受委屈
消滅三塗苦
忍辱得解脫
速成無上覺

淨空口

南無阿彌陀

回向偈

願以此功德
莊嚴佛淨土
上報四重恩
下濟三途苦
若有見聞者
悉發菩提心
盡此一報身
同生極樂國

〈惜珍護愛請敬·緣結費免〉
〈量無德功·印翻迎歡〉

無量壽經義疏 佛說阿彌陀經義記

印贈者——香光淨宗學會

電話：(02) 85110955

傳真：(02) 85110953

地址：台北縣三重市中興北街179號1樓

淨空法師
影音網址
——淨空法師專集網站
<http://www.amtb.org.tw>

淨空法師專集簡體網站
<http://www.amtb.cn>

淨空法師英文網站
<http://www.chinkung.org>

排版承印——和裕出版社

電話：(06) 24540111—十

中華民國九五年
佛曆二五五〇年十二月恭印壹仟本結緣

真誠清淨平等 正覺慈悲

看破放下自在隨緣念佛



本會法寶・免費結緣・絕無託人募款義賣・敬請明察・愛護珍惜

Printed in Taiwan (This book is not to be sold.)
FOR FREE DISTRIBUTION